



新刊監本冊府元龜卷第五百九十七

學較部一

總序

古者家有塾山...有庠術有宮國有學然則不山侯氏之米廩夏后

氏之族商之 宗周之頌宮皆學也 云夏曰較商 故樂正崇

四術山四教 先王詳書禮樂以造士王大子王子群后之太

子山太元 之山十國之僞選皆造焉周官小司徒之職師

氏掌以三德 行 則子保氏掌養國子以道乃教之六藝又

春官大司樂掌 成 之法以治建國之學政而合公之子弟大

胥掌學士 以待致諸子小胥掌學士之徵令而比之山自

律籥師掌教國子舞羽飲籥皆其山也秦置

博 漢興武帝初置五經博士掌教弟子國有疑事

掌教問對 百石^比六百石初文帝欲廣遊學之路論語孝經

孟子爾雅皆置博士至是遂罷傳記博士平帝元始中立學

官郡國皆學縣道邑侯國曰較較學置經師一人鄉曰庠聚

曰序序庠曰孝經師一人後漢光武愛好經術立五經博士凡

有一十四人太常差次總領焉取聰明有威者重一人為祭酒

秩六百石建武五年乃修起大學稽^八古典中元元年初建三

雍宮 明堂辟雍 靈臺也 至明帝親^心其禮靈帝光和初置鴻都門學魏

文帝黃初中六大學置春秋穀梁博士晉承魏制置博士十九

人武帝咸寧四年初立國子學以教生徒而隸屬大學定置國

子祭酒博士各一人助教十五人以教生徒博士皆^自夏^和請

淳通明典義者若散騎常侍中書侍郎太子中庶子^以得

召試元帝初減國子祭酒博士助教為九人大興中又置周易

儀禮公羊博士末年增國子儀禮春秋公羊博士各一人合為

十一人後又增為十六人不復分掌五經而謂之大學博士秩

六百^石孝武太^元中損國子助教為十員宋國子祭酒若不置學

則助教唯置一人明帝泰始中以國學初置總^明觀^真儒文

史四科科置學士各十人正合史一人書令史二人幹一人門

吏一人典觀吏二人齊高帝建元中有^可奏置國學祭酒准諸

曹尚書博士^佐中書郎助教淮南臺御史選經學為先居其人

難倫給事 還明經者以本位領其下典學二人三品^准太

常 各二人五品白簿治禮吏八人六品得學醫成儀

各 其夏漢學有司奏省助教以下又有聰明觀祭酒一人
掌治五禮 心六年以國學廢初置永明三年國學建遂省梁
國子祭酒人班第十三比列曹尚書又置國子博士二人為九
班助教班第二又置大學博士八人班第三又置五經博士各
一人陳國子祭酒秩中二千石品第三博士品第四秩千石國
子助教大學博士並品第八秩六百石律學博士秩品亦同後
魏道武始建都邑便以經術為先立大學置五經博士大武又
別起大學於城東獻祖又立郡學置博士二人助教二人後詔
大郡立博士二人助教四人次郡立博士助教各二人中郡立
博士一人助教二人下郡立博士助教各一人孝文改中書學
為國子學建明堂辟雍及遷都維邑又立國子大學下國子學宣

武又詔營國學樹小學於四門國子祭酒本第四品上後曾為
從三品國子博士從第五品上後增為第五品國子助教五人
從七品大學博士第六品後降為第七品大學助教第八品中
四門博士第九品律博士第六品中後降為第九品上比齊國
子寺掌訓教曹子祭酒一人從三品又置工曹五官主簿錄事
等員博士五人品第五助教十人大學博士十人從第七品助
教二十人從第九品四門博士二十人正九品上亦有助教二
十人後周依周禮建六官之職春官大學博士下大夫四命助
教及小學博士上士三命皆國子監之屬官也祭酒無聞焉武
帝又立露門學隋國子寺開皇中隸太常祭酒一人屬官有功
曹 簿錄司各一人統國子太學書算學各置博士國子大學

四各五人書筭各二人助教國子大學四門各五人書筭各二人仁壽初罷國子唯置大學煬帝改大學為國子監初置司業一人丞三人唐置國子監祭酒司業之職掌邦國儒學訓導之政祭酒一人司業二人屬官有丞主簿錄事府史亭長掌固等員國子博士二人掌教文武官三品以上及國公子孫從二品以上曾孫之為生者屬官有助教學生典學廟幹掌固等員大學四門亦然大學博士三人掌教文武五品以上及郡縣公子孫從三品曾孫之為生者四門博士三人掌教文武七品以上及侯伯子男之為生者若庶人子為儒士生者國子直講四人掌佐博士助教之職專以經術講授而已律學博士一人掌教文武官八品以上及庶人子之為生者以律令為業

法例所兼習之屬官有助教學生典學生學生等員書筭書學亦然書學筭學各博士二人並掌教文武官八品以下庶人子之為生者以書筭自武德初以國子學隸太常寺又省國子司業及丞貞觀初改國子寺為監六年復置國子司業一人龍朔二年改國子監為司成館祭酒為大司成司業為少司成博士為司成宣業又於東郡置國子監其學生於兩京教授咸亨初年改司成館復為國子監大司成復為祭酒少司成復為司業本一員至太極初年加一員光宅初改國子監為成均監祭酒為成均祭酒長安四年國子監始置直講焉神龍初改成均監復為國子監成均復為祭酒天寶九年置廣文館領國子監進士考博士助教各一人五代因之教化之本學校為先振古

以歷代而下莫不慎擇能者以居其任業專所以世守師嚴然後道尊馳辨彰乎洽聞抗議明乎適變考論章句則折理惟精刊定闕疑則伏膺罔倦因祖述而綴舊學次甲乙而總郡綱小道可觀靡不覃究用被國獎寔擢儒林若乃自負好勝爭名忌前亦著於篇以示仲舒同業漢書儒林傳蔡邕漢書儒林傳京房漢書儒林傳京氏漢書儒林傳轅國生齊人以治詩景帝時為博士漢書儒林傳食子公河南人受韓生詩於同郡蔡誼昭帝時為博士長孫順淄川人受韓詩於昌邑王中尉王吉為博士漢書儒林傳韋賢字長儒魯國鄒人篤志於學兼通禮尚書時人號稱鄒魯大儒徵為博士

嚴彭祖字公子東海下邳人與顏安樂俱事睦孟孟年一百餘

人唯彭祖安樂為名繇是公羊春秋有嚴顏之學彭祖為宣帝博士

施雠字長卿沛人為童子從田王孫受易王孫為博士復從卒

業宣帝時少府梁丘賀薦雠結髮事師數十年從結髮為童子即從師學著其

也賀不能及詔拜雠為博士

江公瑕丘人受穀梁春秋及詩於魯申公傳子至孫宣帝時沛

人蔡千秋能說穀梁為郎中戶將綰會千秋病死徵江公孫為

博士劉向以故諫大夫通達待詔受穀梁欲令助之

周慶丁姚二人姓名也宣帝時待詔保官少府屬官也詔五經名儒太

子太傅蕭望之等大議殿中平公羊穀梁同異慶姚皆為博士

王字思翁東平新桃人受詩於免中徐公及許公式為昌邑

王昌邑廢式得減死歸家後東平唐長賓沛褚少孫應博士
弟遠詣博士摠衣登堂頌禮甚嚴摠衣謂以手內諸博驚何問

師對曰事式皆素聞其賢共荐之詔除下為博士下除官之詔也

素安字幼君山陽人與唐長賓褚少孫事王式皆為博士

是魯詩有張唐褚氏之學長安門人陳劉許晏亦為博士

殷嘉東海人姚早河東人秉孔秉姓也音食翰切河南人受易於京房

成帝時皆為博士繇是易有京氏之學

士孫張字仲方早陵人受易於五鹿充宗為博士

孟嘉字長卿東海蘭陵人善為禮春秋授后蒼疏廣世所傳后

氏禮疏氏春秋皆出孟嘉嘉後舉孝廉為郎曲臺署長曲臺殿古署者

主供其事

歐陽生字伯和干乘人受伏生尚書為博士其子世世相傳至

曾孫高子陽為博士高孫地餘長賓以太子中庶子授太子後

為博士論石渠

林尊字長賓濟南人事歐陽高為博士論石渠

周堪字少卿齊人與孔霸俱事大夏侯勝霸為博士堪議官令

論於石渠經為最高

張山拊字長賓平陵人事少夏侯建為博士論石渠后蒼字

后蒼字近君東海郟人事夏侯始昌始昌通五經蒼亦通詩禮

為博士

後漢牟長字君高樂安臨濟人少習歐陽尚書不仕王莽世光

武武幼大司空宋弘特辟拜博士

王昌邑廢式得減死歸家後東平唐長賓沛褚少孫應博士
弟選詣博士摠衣登堂頌禮甚嚴摠衣謂以手內諸博驚何問

師對曰事式皆素聞其賢共荐之詔除下為博士下除官之詔也

張素安字幼君山陽人與唐長賓褚少孫事王式皆為博士

是魯詩有張唐褚氏之學長安門人陳劉許晏亦為博士

殷嘉東海人姚早河東人秉孔秉姓也音食翰切河南人受易於京房

成帝時皆為博士繇是易有京氏之學

士孫張字仲方早陵人受易於五鹿充宗為博士

孟嘉字長卿東海蘭陵人善為禮春秋授后蒼疏廣世所傳后

氏禮疏氏春秋皆出孟嘉嘉後舉孝廉為郎曲臺署長曲臺殿名署者

主供其事

歐陽生字伯和干乘人受伏生尚書為博士其子世世相傳至

曾孫高子陽為博士高孫地餘長賓以太子中庶子授太子後

為博士論石渠

林尊字長賓濟南人事歐陽高為博士論石渠

周堪字少卿齊人與孔霸俱事大夏侯勝霸為博士堪議官令

論於石渠經為最高

張山拊字長賓平陵人事少夏侯建為博士論石渠

后蒼字近君東海郯人事夏侯始昌始昌通五經蒼亦通詩禮

為博士

後漢牟長字君高樂安臨濟人少習歐陽尚書不仕王莽世光

武武初大司空宋弘特辟拜博士

注注音圭南陽育陽人也世傳孟氏易學義研深易家宗之稱

為大儒建武初為博士

丁恭字子然山陽東緡人東緡今兗州吟鄉縣習公羊嚴氏春秋恭學義

精明教授嘗數百人州郡請召不應建武初為博士

高詡字季回平原般人世傳魯詩建武初為符離長去官後徵

為博士

李封魏郡人建武初鄭興陳元傳春秋左氏學時尚書令韓歆

上疏欲為左氏立博士范升與歆爭之未決陳元上書訟左氏

遂以封為左氏博士

張興字君上潁川鄆陵人習梁丘易建武中辟司徒馮勤府舉

孝廉為博士

張玄字君夏河內河陽人少習春秋顏氏兼通數家建武中舉

孝廉為郎會顏氏博士缺玄試策第一拜為博士

戴憑字次仲汝南平輿人習京氏易年十六郡舉明經徵博士

伏恭字叔宥瑯琊東武人明齊詩建武中為刺令青州舉為尤

異太嘗試經第一拜博士

甄宇字長文北海安丘人習嚴氏春秋教授嘗數百人建武中

為州從事徵拜博士

桓榮為議郎會歐陽尚書博士缺光武欲用榮叩頭讓曰臣經

術淺薄不如同門生郎中彭闓楊州從事臯弘帝曰俞往汝諧

周澤字穉都北海人丘人少事公羊嚴氏春秋建武末辟大司

馬馬署議曹祭酒數月徵試博士

馬馬署議曹祭酒數月徵試博士

董 字文伯捷為資州人習慶氏禮建武中舉孝廉辟司徒均
博通古今數言政事明帝永平初為博士

魏應字伯君任城人少好學詣博士受業習魯詩明帝永平初為

博士

李育字元春扶風漆人也

漆縣今幽州辛平

少習公羊春秋沉思專精

博覽詩傳知名大學章帝建武元年衛尉馬廖舉育方正為議
郎後拜博士詔與諸儒論五經於白虎觀

楊倫字仲理陳留東緡人習古文尚書和帝元初中郡禮請三

府並辟公車徵皆辭疾不就後特徵博士

周防字偉公汝南汝陽人師事徐州刺史蓋預受古文尚書經

明舉孝廉拜郎中撰尚書雜記四十萬言安帝初太尉張禹荐

補博士

魏邯鄲淳一名竺字子叔博學有文章文帝初為五官將博延

英儒亦宿聞淳名因啟淳欲使在文學官屬中會臨淄侯植亦

求淳太祖遣詣植及文帝即位以淳為博士

蘇林字孝友陳留人博學多通古今字戰漢為五官將文學甚

見禮待黃初中為博士帝作典論所稱蘇林是也

蜀來敏字敬達義陽新野人涉獵書籍善左氏春秋漢末入蜀

嘗為劉璋賓客先主定益州署敏典學較尉

許慈字仁篤南陽人師事劉熙善鄭氏學治易尚書三禮毛詩

論語漢末自交州入蜀時魏郡胡潛亦在益士先主定蜀承喪

亂紀學業衰廢乃鳩合典籍沙汰衆學慈潛並為博士

尹...字思潛梓潼涪人通諸經史又專精於左氏春秋先主定益州領牧以為勸學從事子宗傳其業為博士
晉曹志字允恭魏陳思王植之子少好學以才行稱武帝時歷樂平章武趙郡太守咸寧初詔曰甄城公曹志篤行素履達學通識宜在儒林以弘胄子之教其以志為散騎常侍國子博士後遷祭酒
杜夷字行齊廬江潯人博覽經籍百家之書所不畢究元帝為丞相教曰今大義顏替禮典無宗朝廷滯義莫能攸正特立儒林祭酒官以弘其事處士杜夷棲情遺遠確然絕俗才學精博道行攸脩其以夷為祭酒夷辭疾未就又除國子祭酒
謝沉字行思博學多識明練經史康帝即位朝議七廟迭毀乃

以大學博士徵以質疑滯
范弘之字長文安北將軍注之孫雅正好學以儒術諳明孝武時為大學博士

宋徐廣字野民好學尤精百家數術無不研覽初仕晉孝武帝以廣博學除為秘書郎較書秘閣增置職僚轉員外散騎常侍郎領較書如故

江湛字徽深文帝元嘉末為左衛將軍時改選學職以太尉江夏王義恭領國子祭酒湛領侍中何攸之領博士
南齊王儉初仕宋為秘書丞初孝武好文章天下采以文采相尚莫以專經為業儉弱年便留心三禮尤善春秋明帝恭始六年總明觀於儉宅開學士館以總明四部書充之又詔儉以

家為府及武帝永明三年以丹陽尹領國子祭酒儉子暕暕子承其後皆為祭酒張緒字思曼長於周易言精理奧見宗一時高帝建元末初立國子學以緒為太常卿領國子祭酒武帝時累遷太子詹事永明七年竟陵王子良為司徒領國子祭酒帝敕王晏曰吾欲令司徒辭祭酒以授張緒議物以為如何子良竟不拜以緒領國子祭酒

梁孔休源字慶緒齊末舉秀才為竟陵王西邸學士梁臺建典劉之遴同為大學博士當時以為美選

伏暄字玄曜臨海太守曼容之子幼傳父業仕齊為鄞令高祖天監初兼五經博士與吏部尚書徐勉中書侍郎周捨總知五

禮事出為永陽內史復徵為國子博士復為豫章內史徵拜黃門侍郎領國子博士

嚴植之字孝源少精解喪服孝經論語及長遍治鄭氏禮周易

毛詩左氏春秋天監二年判後車騎兵參軍事四年初置五經博士各開館教授以植之兼五經博士六年遷中撫軍記室參軍猶兼博士

賀瑒字德璉舉明經揚州祭酒俄兼國子助教大學博士天監

四年初開五館以瑒兼五經博士

明山賓為治侍御史右軍記室參軍掌治吉禮時初置五經博

士山賓首應其選後以東官新出學又以山賓居之俄以本官

兼國子祭酒

崔靈思清河武城人遍通五經尤精禮傳初仕後魏為太常博士天監十三年歸國高祖重其儒術累遷步兵較尉兼國子博士後為長沙內史遷除國子博士軍章於南鄭執政置五經博士盧廣范陽涿人少明經有儒術天監中歸國拜國子博士遍講五經尋遷員外散騎常侍博士如故國子博士天監沈峻字士嵩吳興武康人好學遍遊講肆遂博通五經尤長三禮初為王國中尉稍遷侍郎並兼國子助教僕射徐勉奏峻兼五經博士於館講授後為華容令遷除員外散騎侍郎復兼五經博士

孔僉會稽山陰人通五經尤明三禮孝經論語講說並數十偏歷官國子助教三為五經博士太清亂卒於家僉子叔玄頗涉

文學官至大學博士

陳沈文阿字國衛父峻以文學名於梁氏文阿少習父業研精章句察孝廉為梁臨川王國侍郎累兼國子助教五經博士文帝時遷通直散騎常侍兼國子博士

鄭均字茂昭東陽人仕梁為西省義學士孝元承聖中除通直散騎侍郎兼國子博士高祖世祖之世累中散大夫兼國子博士

沈德威字懷遠梁末避於天目山篤學無倦遂治經業文帝天嘉初授大學博士轉國子助教每自學還私家講授尋遷太常承兼五禮學博士

顧越字思南說毛詩旁通奧義尤善持論梁末補五經博士敬

帝紹泰元年遷國子博士文帝以越篤學厚遇之除給事黃門侍郎又領國子博士

後魏梁越字玄覽博宗經傳無所不通國初以為禮經博士道武以其謹厚舉動可則拜上大夫命授諸皇子經
李訢為中書學生聰敏機辨疆記明察初李靈為文成博士諮議崔浩選中書學生器業優者為助教浩舉其弟箱子與盧度世李敷三人應之給事高謙子祐尚書段霸兒姪等以為浩阿其親戚言於恭宗以浩為不平聞之於太武太武竟在於訢曰云何不致幽州刺史李崇老翁兒也浩世曰前亦言訢合選但以其先行在外故不取之可待訢還箱子等罷之訢為太武所識如此遂除中書助教博士

叙

張偉字仲業學通諸經太武時與高允俱被辟命拜中書博士索敞字巨振燉煌人為劉昞助教專心經籍盡能傳昞之業涼州平入國以儒學見拔為中書助教博士

平嘗字繼叔研宗經籍安貧樂道不以屢空改操徵為中書博士

穆弼涉獵經史孝文初定氏族欲以為國子助教弼辭曰先臣以來蒙恩累世比較徒流實用暫屈孝文曰朕欲敦厲胄子故屈卿光之白玉投泥豈能相污弼曰既遇明時耻沉泥滓

祖瑩范陽人為中書學生孝文召令入誦五經章句竝陳大義帝嗟賞之瑩出後孝文戲盧朶曰昔流共工於幽州北裔之地那得忽有此子朶對曰當是才為世生才以名拜大學博士

劉芳為通直常侍孝文詔以芳經學精洽超遷國子祭酒
董徽字文發頓丘衛人從博陵劉歆之偏受諸經數年之中大
義精練講授生徒大始末為四門小學博士
崔景傷梗正有高風好古博涉以經明行修徵拜中書博士
北齊李鉉字寶鼎渤海南皮人撰定孝經論語毛詩三禮義疏
及三傳異同周易義例東魏末舉秀才除太子博士文宣天保
初詔鉉與殿中尚書邢邵中書令魏收等參知禮律仍兼國子
博士時詔北平太守景業西河太守綦母懷文等草定新廟錄
尚書平原王高隆之令鉉與通直常侍房延祐國子博士刁柔
叅考得失尋正國子博士
刁柔字子溫渤海人綜習經史尤留心禮儀高祖令教授諸子

文宣天保初除國子祭酒博士

張買奴平原人經該義博諸儒咸推重之歷大學博士

邢峙字士峻河南鄭人通三禮左氏春秋天保初郡舉孝廉授

四門博士遷國子助教又拜國子博士

張雕中山北平人偏通五經尤明三傳廢帝乾明初除國子博

士瑯琊王巖求博士精儒有司以雕應選時號得人累國遷子

祭酒

馬敬德河間人少好儒術留意於春秋左氏舉秀才中第乃請

試經業問十條竝通擢授國子助教遷太學博士後主天統初

除國子博士武平初拜國子祭酒

孫靈暉長樂武疆人舉秀才射策高第後以儒術甄明擢授太

學博士累遷糧郡太守天統中勅令朝臣推舉可為南陽王綽
師者吏部尚書尉瑾表薦之徵為國子博士授南陽王經
劉執思渤海人說詩甚精天統中任國子博士
鮑秀詳渤海人甚明禮兼通左氏春秋諸儒稱之天統中為太
學博士

張思伯河間樂城人善說左氏亦治毛詩章句以二經教齊安
王廡武平初拜國子博士
後周沈重字德厚吳興武康人專心儒術博覽群書尤明詩禮
及左氏春秋初仕梁高祖高祖置學官以崇儒教中大通四年
乃革選以重補國子助教大同二年除五經博士
盧誕仕西魏為散騎常侍太祖以誕儒宗學府為當世所推乃

乃拜國子祭酒
薛慎為太祖丞相府墨曹參軍太祖於行臺省置學取丞郎及
府佐得行明敏者充生卷令日理公務脫就講習先太經後子
史又於諸生中簡德行純懿者侍讀書慎與隴西李伯良辛韶
武功獯衡譙郡夏侯裕安定梁曠梁禮河東裴舉薛同祭陽鄭
朝等十二人並應其選又以慎為學師以知儒生課業
樊深字文深講習五經晝夜不倦太祖置學於東館教諸將子
弟以深經學通膽儒者推其博物後除國子博士六官見拜太
學助教遷博士
蕭撝字智遐博觀經史雅好屬文武帝時為上州刺史及入朝
屬置露門學士帝以撝與唐瑾元偉王褒等四人俱為太學博

士 熊安生字植之博通五經專以三禮教授北齊河清中穆休之
奏為國子博士武帝入鄴令隨駕入朝至京勅令於大業佛寺
叅議五禮宣政元年拜露門博士下大夫子士六官具拜
樂遜字遜賢西魏廢帝二年太祖召遜教授諸子講孝經論語
毛詩及服處所注春秋左氏傳授太學助教閔帝元年治太學
博士轉治小師氏下大夫宣帝大象中又為露門博士
隋房暉遠字崇儒嘗山真定人治三禮春秋三傳詩書周易常
以教授為務北齊南陽王綽為定州刺史聞其名召為博士周
武帝平齊搜訪儒俊暉遠首應辟命授小學下士及高祖受禪
太常卿牛弘每稱為五經庫吏部尚書事世康荐之遠太學博

士後為國子博士
王頗初仕後周武帝引為露門學士每有議決多頗所為高祖
開皇初授著作佐郎於國子講授會高祖親臨什奠祭酒元善
講孝經頗與相論難詞義鋒起善往往見屈高祖大奇之超授
國子博士

馬光字榮伯武安人尤明三禮為儒者所宗開皇初高祖徵山
東義學之士光與張仲讓孔罷竇世榮張里奴劉祖仁俱等至
並授太學博士時人號為六儒
褚輝字高明吳郡人以三禮學稱於江南煬帝時徵天下儒術
之士悉集內史省相次講論輝博辨無能屈者於是擢為太學
博士

唐徐文遠雒州偃師人博覽五經尤精左傳隋開皇中累遷太
學博士大業初擢授國子博士時人稱文遠之左氏為一時之
最
陸德明蘄州人陳宣帝大建中大徵四方名儒講于承光殿德
明年弱冠往預焉後帝禎明中為國子助教煬帝嗣位以為秘
書學士大業中廣召明經之士四方至者甚衆遣德明與魯達
孔褒俱會門下省共相駁難無出其右者授為國子助教高祖
武德中補太學博士太宗貞觀中拜國子博士
孔穎達字仲達冀州衡水人隋大業初舉明經高第授河南郡
博士煬帝徵諸郡儒官即遷東都令國子秘書學士與之論難
穎達為最補太學助教太宗在藩引為秦府文學館學士及即

位擢授國子博士貞觀六年累除國子司業歲餘遷太子右庶
子仍兼國子司業與諸儒議曆及明堂皆從穎達之說十二年
拜國子祭酒

司馬才章魏州貴鄉人父烜博涉五經善緯候才章少傳其業
隋末為郡博士貞觀初太宗謂侍臣曰隋末學者凋喪儒教凌
遲唯陸德明徐文遠為儒立壺與三二年間相次殂歿豈有後
進之士經業優洽而未深用者乎因徵才章及王琰王恭俱拜
為博士

才章為國子助教
王恭為太學博士

蓋文懿貝州宗城人武德初為國子助教時高祖別於秘書省
置學教授王公之子以文懿為博士貞觀中除國子博士
許叔牙少精于毛詩禮記尤善諷咏貞觀初累授晉大學學兼

侍王讀書字遷太子洗馬兼崇賢館學士仍兼侍讀大學博士
馬嘉運繁水人專精儒業貞觀十一年召拜太學博士王文
羅道綜少為太學生勤於學業高宗末為太學博士
褚無量字弘度杭州鹽官人尤精三禮及史記中宗朝累除國
子博士遷司業兼修文館學士以母老請停官歸侍玄宗在東
宮召拜國子司業兼皇太子侍讀及即位兼遷國子祭酒
歸崇敬字正禮蘄州吳人天寶初以經業擢第授四門助教
轉博士司業德宗建中初又拜國子司業
馬伋京兆人少有經學累登五經秀才及博士三史科德宗貞
元中為皇太子及諸王侍讀憲宗元和初拜國子祭酒後為散
騎常侍復領太學

史昶文宗大和初為四門館助教四年閏十二月國子監以昶
及處士成子野蓋繇庚梁德方前越州叅軍疆嘉徵等皆通經
術准長慶元年赦書節文得以薦聞請勅所在州縣給將服許
傳遍至都與太學諸生講訖仍乞委中書門下更加搜訪如有
此比准徵赴廷從之
周田敏初仕漢乾祐中為戶部侍郎兼國子祭酒時桑維翰執
政時或有不悅敏者言未有學官兼丞郎者又言敏長于經義
唯學官最稱職維翰乃去戶部侍郎祇為祭酒加簡較右僕射
尋而後除右丞兼判國學
自夫子之以詩禮授伯魚而有趨庭之訓其後漢武表章六經

始立博士開弟子員設科射策勸以官祿學者寢成蓋獲利之使然爾故有父子講習以著專門之稱世家祖述以成傳業之美莫不達章句之要精詁訓之說克續前緒見推當時以至歷世祚之遐邇不墜其素風誨生徒以蕃熾益廣乎遺教名家獨出蔚為儒崇稽古擅譽以階榮爵蓋韋賢有言斥羸金之非寶夏侯立論謂朱紫之可捨斯不誣矣

漢孔光字子夏孔子十四世之孫孔子生伯魚名鯉字伯魚先言其字者

孔子目謂諸系示尊其先也鯉生子思伊生子上白白生子家求求生子

真箕箕生子高穿穿生順順為魏相順生鮒鮒為陳涉博士死

陳下鮒弟襄為孝惠博士長沙太傅襄生忠忠生武及安國武

生延年延年生霸字次儒霸生光焉安國延年皆以治尚書為

武帝博士安國至臨淮太守霸亦治尚書光位至丞相

士孫張字仲方受易於五鹿充宗官至給事家世傳業

兒寬受尚書於孔安國而歐陽大小夏侯氏學皆出於寬寬授

歐陽生子世世相傳至曾孫高子陽為博士名高字子陽高孫地餘

長賓以太子中庶子授太子後為博士論石渠地餘少子改為

王莽講學大夫繇是尚書世有國民學寬位至御史大夫

韓嬰孫商宣帝時為博士涿郡韓生其後也以易徵待詔殿中

日所授易即先太傅所傳也常受詩韓不如韓氏易深

滿昌字君都通詩禮為唐事家世傳業

瑕丘公受穀梁春秋及諸於魯申公傳至子孫為博士

徐良字遊卿受大戴禮為博士家世傳業

夏侯勝其先夏侯都尉從濟南張受尚書以傳族子始昌始昌
傳勝勝又事同郡簡卿見寬門人勝傳從兄子建繇是尚書有
大小夏侯之學勝位至太子太傅

僑仁字秀卿受大戴禮為大鴻臚家世傳業

韋賢治詩事大江公及許王大江公即瑕又治禮至丞相傳子

玄成以淮陽中尉論石渠後亦至丞相玄成及兄子賞以詩授

哀帝繇是魯詩有韋氏學

王中受嚴彭祖春秋為元帝少府家世傳業

尹更始授左氏傳取其變理合者為以章句傳子咸官至諫大

夫長樂戶將

劉向為中壘較尉子歆為黃門郎河平中受詔領較尉哀帝初

即位大司馬王莽舉散宗室有行才為侍中大夫遷騎都尉奉

車光祿大夫章貴復領五經卒父前業

後漢睦丹世傳孟氏易建武初為博士

高詡曾祖父嘉以魯詩授元帝仕至上谷太守父容少傳家學

哀平間為光祿大夫詡以任為郎中世傳魯詩徵為博士

耿況以明經為郎子弇少好學習父業袁山松書曰弇少學

曹褒字叔通父充治慶氏禮慶晉字考公為東平太傅建武中

為博士褒少篤志有大度結髮傳充業博雅疏通尤好禮事褒

位至侍中

徐防祖父宣為講學大夫以易教授王莽父憲亦傳宣業防少

習父祖學位至太尉

鄧甫德為開封令學傳父業

陳元父欽習左氏春秋王莽從欽受學以欽為厭難將軍元少傳父業為之詰訓銳精覃思至不與鄉里通

歐陽欽自歐陽生傳伏生尚書至欽八世皆為博士欽中欽伏湛字惠生瑯琊康武人九世祖勝字子賤所謂濟南伏生也

湛父理為當世名儒以詩授成帝為高密太傅別自名學為高寬傳也寬武帝立孫廣陵王香後也也湛性孝友少傳父業教授數百人成帝時

以父任為博士弟子初自伏生以後世傳經業湛子翁翁子光光子辰辰子無忌無忌亦傳學博物多識順帝時為侍中永和

元年詔無忌與議郎黃景較定中書五經諸子百家藝中書內也中書

桓榮受朱普學章句四十萬言浮辭繁長多過其寔及榮入授

顯宗減為二十三萬言榮子郁復刪定省成十二萬言繇是有

桓君大小太常章句郁敦厚篤學傳父業以尚書教授門徒有

數百人郁中子焉能傳其家學焉孫典字公雅復傳其家業以

尚書教授穎川門徒至數百人一云伏氏自東西京相襲為名

至典而世宋其道之子兄弟代作帝榮位至太常少卿師受其業者皆至卿相顯于當時

鮑永少有志操習歐陽尚書子昱少傳父學客授於東平位終

兗州牧

劉軼字君文父昆受施氏易於沛人戴賓教授弟子常五百餘

人軼傳父業門徒益盛位至亦正

鄭衆字仲師從父授左氏春秋子安世亦傳家業為長樂未央

廡令
伏黯以明齊詩改定章句作解說九篇位至光祿勳子恭少傳
黜學除劇令舉尤異太常試經第一拜博士以文章句繁多乃
省減繁辭定為二十萬言

薛漢世習韓詩父子以章句著名漢少傳父業教授常數百人
建武初為博士當世言詩者推漢為長
表安祖父良習孟氏易安少傳良學安子敞及京亦傳易經教
授京作難記三十萬言京子彭字伯楚少傳父業彭弟湯字仲
和亦傳家學諸儒稱其節多歷顯位安位至太尉
甄宇習嚴氏春秋教授常數百人位至太子少傅傳業子普普
傳子承承講授常數百人子孫傳學不絕

劉丕博學號為通儒子寵少受父業以明經舉孝廉

李命字孟節漢中南鄭人父頡以儒學稱官至博士命習父業
遊太學通五經善河雒風星當世稱之

宋意字伯志父京以大夏侯尚書教授至遼東太守意少傳父
業

楊震字伯起少好學受歐陽尚書於太常桓郁震中子秉字叔
節少傳父業兼明京氏易學通書傳常隱居教授秉子賜字伯
獻亦傳家學篤志博聞常退居隱約教授門徒震少子奉奉子
敷敷志博聞議者以為能世其家敷早卒子衆亦傳先業震位
至太尉
孔奮少從劉歆受春秋左氏傳弟奇博通經典作春秋左氏刪

士
尹默字思潛從司馬操宋仲子等受古學皆通諸經史子宗傳
其業為博士
吳虞翻太常時為騎都尉翻初立易注奏上曰臣聞六經之始
莫大陰陽是以伏羲仰天聽象而建八卦觀變動六爻為六十
四以通神明以類萬物臣高祖父故零陵太守先治孟氏易曾
祖父故平輿令成績述其業至臣祖父鳳為之最密臣亡考故
日南太守歆受本於鳳最有故書世傳其業至臣五世孫大
晉王愨期父接官至征虜將軍常注公羊又撰列女後傳愨期
流寓江南緣父本意更注公羊又集列女後傳云傳云
范宣光善三禮常以講誦為業子輯亦以講授為事宣以太學
博士散騎郎並徵不就

宋杜坦祖預注春秋左氏傳坦與弟驥傳其家業坦位至左將
軍

南齊裴昭明河東聞喜人祖松枝大中大夫父嗣南中郎參軍
昭明少傳儒史之學為太學博士

梁明山賓為國子博士卒其子興道亦傳父業歷官太學博士
褚修父仲都善周易天監中修歷官五經博士修少傳父業兼
通孝經論語
范縝字子真尤精三禮為中書郎國子博士官卒子胥字長才
傳父學起家太學博

賀瑒字璉德會稽山陰人祖道立善三禮為尚書三公郎連康

令瑒少傳家業為五經博士子華字文明少通三禮及長徧治
孝經論語毛詩左傳

賀琛伯父瑒為世碩儒授經於琛高祖聞琛學術召見文德殿
與語悅之謂僕射徐勉曰琛殊有世業仍補王國侍郎俄兼太
學博士

孔奩通五經尤明三禮歷官國子助教三為五經博士子叔立
頗涉父學官至太學博士奩兄子元素又善三禮有盛名

司馬筠字貞素博通經術尤明三禮累加左丞出為始興內史
卒官子壽傳父業亦明三禮歷官尚書祠部郎出為曲阿令

沈峻為五經博士卒子文向傳父業尤明左傳太清中自國子
助教為五經博士

陳杜之偉字子大吳郡錢塘人家世儒學以三代傳門父規良
奉朝請之偉有逸才七歲受尚書稍習詩禮畧通其學十五遍
觀文史儀禮故事時輩嘉其早成累遷中大夫

顧越字思南吳郡益官人所居新坡黃垆世有鄉較繇是顧氏
多儒學焉越少孤以勤苦自立說毛詩旁通異義梁世補五經
博士

賀德基字承業世傳禮學祖文發父淹仕梁俱為祠部並有名
當世德基於禮記稱為精明居以傳授累遷尚書祠部郎時論
羨其不墜焉

後魏李曾少治鄭氏禮左氏春秋以教授為業三辟功並不就
子孝伯少傳父業綜群言孝伯兄祥字元善學傳家業鄉黨宗

之
江式字法安陳留濟陽人六世祖瓊字孟琚晉馮翊太守善篆
篆詁訓永嘉大亂瓊棄官西投張軌子孫因居涼土世傳家業
祖疆字文威後魏太延五年涼州平內徙代京上書三十條各
有體例又獻經史諸子千餘卷繇是擢拜中書博士式少傳家
學兼著作郎

劉獻之饒陽人善春秋毛詩每講左氏畫隱公八年便止義云
例已了不復須解孝文章中山詔徵典內較書固以疾辭四子
放古爰古參古修古竝傳父詩
北齊馬敬德河間人少好儒術員爰隨大儒徐遵明學詩禮畧
通大義遂留意於春秋左氏為諸儒所稱累授助教博士侍講

東宮子元熙字長明傳父業兼事文藻累遷散騎侍郎待詔文
林館後主武平中皇太子將孝講經有司請擇師友帝曰馬元
熙朕師之子可令教兒儒榮其載
顏之推字子介瑯琊臨沂人父勰世善周官左氏梁湘東王諮
議叅軍之推早傳家業博覽群書無不該遍湘東以為國佐常
侍

後周盧辯字景宣范陽涿人累世文學父靖太常丞辨少好學
博通經術舉茂才為太學博士以大戴禮未有解詁辨乃注之
其兄景裕為當世碩儒謂辨曰昔侍中注小戴今爾注大戴庶
纂前修矣
隋包愷字和樂東海人其兄愉明五經悉傳其業為國子助教

庾秀才為太史大中大夫藝術精通子質復為大夫令質子儉亦傳父業兼有學識

唐顏籀字師古琅琊臨沂人祖之推仕北齊為黃門侍郎有盛名父忠魯少以學業稱武德初秦府記室參軍事師古少傳家業博學群言多所詳練尤精詁訓善屬文累遷秘書監弘文館學士卒

許孟容京兆長安人父鳴謙究通易象官至撫州刺史孟容少以文詞知名與進士後究王氏易登科授秘書省較書郎
蔣乂字德源祖環太子洗馬開元初弘文館學士父蔣明累遷國子司業集賢殿學士代為名儒乂史官吳兢之離孫幼便記覽弱冠博通群籍史才尤長宰相張益見而竒之署集賢小職

新刊監本冊府元龜卷第五百九十八

學校部二

教授

自仲尼及魯刪定六藝然後學有所宗儒術以之振矣雖復哲人其萎微言遂絕而違者斯象傳授寔廣漢氏而下師訓彌盛素業所守乃專門而靡雜稟教殊指或名家而別出歧分派散增華並驚蓋有爵位通顯譽望克治風詠推美山林傾慕徒衆輻輳不遠乎千里名籍已舉或踰於萬數以至肥遯求志杜門却掃其於傳道誨人未常倦也茲所謂拳拳服膺循循善誘達教學之旨為丘門之駕說者焉

卜商字子夏衛人孔子既沒居西河教授為魏文侯師

澹臺滅明事孔子既以受業南遊至江從弟子三百人設取子去就名施于諸侯

商瞿字子木魯人受易孔子

商瞿生也瞿音

以授子庸

姓喬名庇字子庸庇音必

子庸授江東馯臂子方

馯姓也音韓

子方授燕周醜子家子家授東

武縣虞子乘子乘授齊田何子裝及秦禁學易為筮卜之書漢

獨不禁故傳授者不絕

漢田何以齊田徙杜陵號杜田生

高祖用蒯敬之言徙關東大族故何以舊齊田氏見徙時

未為杜陵蓋史家本其地追言也

授東武主同子中雒陽周王孫丁寬齊服生

皆著易傳數篇

田生授王同周王孫丁寬服生四人而四同授人皆著易傳也子中王同字也中讀曰仲

淄川楊何字叔元元光中徵為大中大夫齊即墨城至城陽相

姓即墨名城

廣川孟但為太子門大夫魯周霸莒衡胡

莒人姓衡臨

淄主父偃皆以易至大官要言易者本之田何

丁性字子孫從魯榮廣受詩春秋為中山傳

申章昌字曼君楚人

申章姓

從田何受易授同郡碭田王孫王孫

授施讎孟喜梁丘賀繇是易有施孟梁丘之學寬景帝時為梁

孝王將軍

王臧蘭陵人從魯申公受詩通事景帝為太子少傅施讎字長

卿沛人沛與碭相近讎為童子從田王孫受易後讎從徙長陵

田王孫為博士復從卒業與孟喜丘賀並為人謙讓嘗稱學廢

不教授及梁丘賀為少府事多乃遣子臨分將門人張禹等從

讎問讎自匿不肯見賀固請不得已乃授臨等於是賀存讎結

髮事師數十年

從結髮為童子即從師學著其早也

賀不能及詔拜讎為博士讎

授張禹琅琊魯伯伯為會稽太守禹至丞相授淮陽彭宣沛戴

崇子平崇為九卿宣大司空禹宣皆有傳魯伯授太山毛莫如

少路姓毛名莫琅琊郡丹曼容著清名莫如嵩山守此其知名

者也繇是施家有張彭之學孟喜立

孟喜字長卿東海蘭陵人也父號卿卿時人以卿呼之若言公也善為禮春

秋授后蒼疏廣世所傳后氏禮疏氏春秋皆出孟卿以禮經多

春秋煩雜乃使喜從田王孫受易喜授同郡白光少子沛翟牧

子兄兄讀曰况皆為博士繇是有翟孟白之學

梁丘賀字長翁琅琊諸人也以能心計為武騎從大中大夫京

房受易房淄川楊弟之二自別一京房非焦延壽弟子為課房吏法者或書字誤耳不當為京房

出為齊郡太守賀更事田王孫賀傅子臨亦入說為黃門郎中

甘露中奉使問諸儒於石渠臨學精熟專行京房法琅琊王吉

通五經聞臨說之喜時帝選高才十人從臨講吉乃使其子郎

中駿上疏從臨受易五鹿充宗授平陵士孫張仲方士孫姓張名仲方字

沛鄧彭祖子夏齊衡咸長賓張為博士至楊州牧家世傳業彭

祖真定大傅咸王莽講學大夫繇是梁丘有士孫鄧衡之學

京房受易梁人焦延壽延壽其字名貢延壽云嘗從孟喜問易會喜死

房以為延壽易即孟氏學翟牧白生不肯皆曰非也至成帝時

劉向較書考易說以諸易家說皆祖田何陽叔丁將軍大誼畧

同惟京氏為異黨焦延壽獨得隱士之說黨讀曰儻孟氏不相與同

房授東海殷喜河東姚平河南乘弘乘姓也音食反證皆為即博士繇

是易有京氏之學位至魏郡太守

費直東萊人也費扶治易為郎長於卦筮章句徒以彖象繫辭

十篇解說上下經瑯琊王橫能傳之

伏生名勝濟南人為秦博士孝文時求能治尚書者天下士有

聞伏生治之欲召時伏生年九十餘老不能行於是詔太常使

掌故朝錯往受之衛宏定古文尚書序云生老不能正言不可

曉也使其女傳言教錯齊人語多與穎川異秦時禁書伏生壁

藏之其後大兵起流亡漢定伏生求其書亡數十篇獨得二十

九篇即以教於齊魯之間齊學者繇此頗能言尚書山東大師

亡不涉尚書以教伏生教濟南張生及歐陽生是後魯周霸雒

陽賈嘉頗能言尚書嘉少賈誼之孫也

孔安國有孔氏古文尚書以今文字讀之因以其起家逸書得

十餘篇尚書茲多於是遭巫蠱未立於學官安國為諫大夫授

都尉朝朝名都尉姓而司馬遷亦從安國問故遷書載堯典禹貢洪

範微子金縢諸篇多古文說都尉朝授膠東庸生庸生授清河

胡嘗少子少子嘗字

歐陽生字伯和千乘人也事伏生授兒寬寬又授業孔安國歐

陽大小夏侯氏學皆出於寬寬授歐陽生子世世相傳至曾孫

高為博士繇是尚書世有歐陽氏學

林尊字長賓濟南人也事歐陽高為博士授平陵平當梁陳翁

生翁生家世傳業繇是歐陽有平陳之學翁生授琅琊殷宗楚

國龔勝而平當授九江朱普公文上黨鮑宣宣為司隸較尉徒

衆尤盛知名者也

高相沛人也治易與費公同時其學亦亡章句專說陰陽爻異
自言出於丁將軍傳至相相授子康及蘭陵毋將永康以明場
為郎永至豫章都尉

夏侯勝其先夏侯都尉從濟南張生授尚書以傳族子始昌始
昌傳勝勝又事同郡簡卿簡音簡卿者倪寬門人勝傳從兄子

建又事歐陽繇是尚書有大小夏侯之學位至太子太傅

周堪字少卿齊人也與孔霸俱事大夏侯勝堪授牟卿及長安

許商字長伯牟卿為博士霸以帝師賜爵號褒成君傳子先亦

事牟卿繇是大夏侯有孔許之學位至光祿勳

張山拊字長賓平陵人也拊音事小夏侯建為博士授同縣李

尋鄭寬中少君山陽張無故子儒信都秦恭延君陳留假蒼子

驕無故善修章句小夏侯說文恭增師法至百萬言言小夏侯

文不多而秦恭又增
益故至百萬言也

中公名培魯人也少與楚元王交俱事齊人浮丘伯受詩漢興

高祖過魯中公以弟子從師入見於魯南宮呂太后時浮丘伯

在長安楚元王遣子郢與中公俱卒學郢即郢元王薨郢嗣位

立為楚王令申公傳太子戊戊不好學病申公病若及戊立為

王胥靡申公胥靡相係申公愧之歸魯退居家教終身出不門

復謝賓客身既不出門是業弟子其他賓獨王命召之乃往弟

子自遠至受業者千餘人申公獨以詩經為訓故以教亡傳說

指不為解疑者則闕弗傳蘭陵王臧從為詩申公弟子以百數

申公以詩春秋授而瑕丘江盡能傳之及魯許生免中徐公免

也邑名皆守學教授

韋賢治詩大江公及許生大江公即瑕丘江公也以又治禮傳

子玄成及兄子賞以詩授哀帝繇是魯詩有韋氏學

王式東王新姚人事免中徐公及許生式為昌邑王師山陽張

長安長安名也先事式後東平唐長賓沛褚少孫亦來事式張生唐

生褚生皆為博士繇是魯詩有張唐褚氏學

張生兄子游卿為諫議大夫以詩授元帝其門人琅琊王扶陳

留許晏繇是張家有許氏學初薛廣德亦事王式以博士論石

渠授龔舍

轅同齊人也以治詩孝景時為博士諸以詩顯貴皆同之弟子

也昌邑太傅夏侯始昌最知名

后蒼字近君東海郟人也事夏侯始昌通五經蒼亦通詩禮授

翼奉蕭望之康衡衡授琅琊師丹伏理君穎川滿昌君都君

為都詹事治高密太傅家世傳業繇是齊詩有翼衡師伏之學滿

昌授九江張邯琅琊皮容皆至大官徒眾尤盛說禮教萬言號

曰后氏曲臺記受沛聞人通漢子方聞人姓也名通漢字子方也梁戴德延

君戴勝次君沛慶普孝德號大戴聖號小戴繇是禮有大戴小

戴慶氏之學普授魯夏侯敬又傳族子咸大戴授琅琊徐良游

卿家世傳業小戴授梁人橋仁季卿楊子榮子孫子孫子榮家

世傳業繇是大戴有徐氏小戴有橋楊氏之學蒼官至少府

韓嬰燕人也景帝時為嘗山王太傅韓生推詩人之意而為外

傳數萬言其語頗與齊魯間殊然其歸一也淮南貢生受之音貢

肥自是之後而趙燕間言詩者繇韓生韓生孫商為武帝博士
孝宣時涿郡韓生其後也以易徵待詔殿中曰所授易即先太
傳所傳也常受韓詩不如韓氏易深太傅故專傳之司隸較尉
蓋寬饒本授易於孟喜聞涿韓說易而好之即從受焉
趙子河內人也王欽若等曰趙子史不載其名事燕韓生授同郡蔡誼誼授同
郡食子公與王吉食生授太山粟豐吉授淄川長孫順繇是韓
詩有王食長孫之學豐授山陽張就東海髮福福皆至大官徒
衆尤盛

毛公趙人也治詩為河間獻王博士授同國貫長卿長卿授解
延年延年授徐敖教授九江陳俠繇是言毛詩者本之徐敖
胡毋生字子都齊人也治公羊春秋為景帝博士與董仲舒同

業仲舒著書稱其德年老歸教於齊齊之言春秋者宗事之公
孫弘亦頗受焉而董生為江都相弟子遂之者蘭陵褚太東平
羸公廣川段仲溫呂步舒遂謂名位成達者太至梁相步舒丞相長史
唯羸公守學不失師法為昭帝諫大夫授東海孟卿魯睦孟孟
為符節令坐說災異誅

嚴彭祖字公子東海下邳人也與顏安樂俱事睦孟孟子弟百
餘人唯彭祖安樂為明質問疑誼各持所見孟曰春秋之意在
二子矣孟取彭祖安樂各顯門教授顯與專同門言各目名家繇是公羊春
秋有嚴顏之學彭祖授琅琊三中為元帝少府中讀目仲家世傳業

仲授同郡公孫文東門雲
顏安樂字公孫魯國薛人睦孟姊子也安樂授淮陽冷豐次君

冷音 淄川任公繇是顏家有冷任之學始貢禹事羸公成於睦

孟疏廣事孟卿廣授琅琊莞路莞亦管禹授穎川堂谿惠姓堂谿也

惠授太山宜都都興路又事顏安樂故顏氏復有莞宜之學路

授孫寶為大司農豐授馬宮琅琊左咸徒眾尤盛官至齊郡太

守丞

瑕丘江公受穀梁春秋及詩於魯申公傳子至孫為博士武帝

時江公與董仲舒並仲舒通五經能持論善屬文江公呐於口

屬之欲切上使與仲舒議不如仲舒而丞相公孫弘本為公羊學

比輯其議卒用董生比次也輯合也此穎霖反輯與集同於是上因尊公羊家詔

太子授公羊春秋繇是公羊大興太子既通復私問穀梁而善

之其後浸微浸漸也唯魯榮廣王孫皓星公二人受焉廣能盡傳

其詩春秋高才捷敏與公羊大師睦孟等論數困之孟等窮屈也故

好學者頗復授穀梁沛蔡千秋少君梁周慶幼君丁姓子孫姓

名姓字皆從廣授千秋又事皓星公為學最篤千秋宣帝時說

穀梁上善穀梁說擢千秋為諫大夫給事中後有過左遷平陵

令復求能為穀梁者莫及千秋上愍其學且絕乃以千秋為郎

中戶將選郎十人從受汝南尹更始翁君本事千秋會千秋病

死徵江公孫為博士劉向以故諫大夫通達待詔受穀梁欲令

助之江博士復死乃徵周慶丁姓待詔保官保官少府之屬官也本名居室使

卒授十人自元康中始講至甘露元年積十餘歲皆明習乃召

五經名儒太子太傅蕭望之等大議殿中平公羊穀梁同異各

以經處是非時公羊博士廉彭祖侍郎申輓輓者伊推宋顯穀

梁議郎尹更始待詔劉向周慶丁姓並論公羊家多不見從願

請內侍郎許廣使者亦並內穀梁家中郎王亥各五人使者請

遣監議者也內謂引入以形也公羊家議三千餘事望之等十

一人各以經誼對多從穀梁繇是穀梁之學大盛慶姓皆為博

士周慶丁姓二人也姓授楚申章昌曼君姓申章名昌字曼君尹更始又受左氏

傳取其變理合者以為章句傳子咸及翟方進琅琊房鳳

朱雲為槐里令後不仕居鄆田教授擇諸生然後為弟子九江

嚴望及望兄子元子仲能傳雲學皆為博士

房鳳字子元不其人也琅琊之孫也其音基為五官中郎將時光祿勳王

龔龔以外屬內卿光祿大夫治中官與奉車都尉劉歆共較書

三人皆侍中歆曰左氏春秋可立哀帝納之以問諸儒皆不對

歆於是教見丞相孔光為言左氏以求助光卒不肯唯鳳許

歆遂共移書責讓太常博士大司空師丹奏歆非毀先帝所立

上於是以龔等補吏龔為弘農歆河內鳳九江太守如江博士

授胡嘗嘗授梁蕭秉君房繇是穀梁春秋有君胡申章房氏之

家張蒼為東平侯及梁太傅賈誼京兆尹張敞大中大夫劉太

皆修春秋左氏傳誼為左氏傳訓故授趙人賈公為河間獻王

博士子長卿為蕩陰令蕩陰河內縣也蕩音湯授清河張禹長子非成帝師張禹

也禹與蕭望之同時為御史教為望之言左氏望之善之上書

數以稱說後望之為太子太傅荐禹于宣帝微禹待詔未及問

會疾死授尹更始禹先授更始傳子咸及翟方進胡常授黎陽賈護

李君哀帝時待詔為郎授蒼梧陳欽子佚以左氏授王莽至將

軍而劉歆從尹咸及翟方進授繇是言左氏者本之賈護劉歆
王吉兼通五經能為駟氏春秋以詩論教授好梁丘賀說易令
子駿受焉漢興傳齊論者王吉少府宋畸居宜切御史大夫貢禹
尚書令五鹿充宗膠東庸生唯王陽名家王吉字陽子傳魯論
詩者常山都尉龔奮長信少府夏侯勝丞相韋賢魯扶卿前將
軍蕭望之安昌侯張禹皆名家張氏最後而行於世位至諫議
大夫

董仲舒少治春秋孝景時為博士下帷講誦弟子傳以久次相
授業或莫見其面蓋三年不相窺園其精如此位至膠西相
薛廣德以魯詩授教楚國龔勝舍事師焉位至御史大夫
疏廣字仲翁少好學明春秋家居教授學者自遠方至位至太

子太傅

韋賢為人質朴少欲篤志於學

篤厚也

兼通尚書以詩教授號鄒

魯大儒位至丞相

後漢劉昆少好習禮容平帝時受施氏易於沛人戴賓王莽世

教授弟子常五百人餘每春秋享射常備列典儀以素木瓠葉

為俎豆桑弧蒿矢以射菟首

詩小雅瓠葉詩序曰刺幽王棄禮而不能行故思古人之不微薄廢

焉詩曰燔燔瓠葉采之享之君子有酒酌言當之有羗斯首魚之符之君子有酒酌言獻之昆懼禮之廢故引以瓠葉為俎寔射則歌菟之首每有行禮縣宰輒率吏屬而觀之王莽以昆多詩而為節也

聚徒眾私行大禮有僭上心乃繫昆及家屬於外黃獄尋莽敗

得免既而天下大亂昆避難河南負犢山中

郡國志河南郡有負犢山

建武

五年舉孝廉不行遂逃教授於江陵先武聞之即除為江陵令

子軼字君文傳昆業門徒亦盛

注音丹字子玉世傳孟氏易至王莽時常避世教授專志不仕

徒眾數百人建武初為博士作易通論七篇世號注君通

雒陽鴻姓雒陽名鴻也以孟氏易教授有名稱位少府

任安字定祖廣漢繒竹人也少遊太學受孟氏易兼通數經又

從同郡楊厚學圖讖究極其術時人稱曰欲知仲桓問任安又

曰居今行古任定祖學經還家教授諸生自遠而至除博士不

就

伏湛更始立為平原太守時倉卒兵起天下驚擾而湛獨晏然

教授不廢

伏恭湛之兄子也大常試經第一拜博士遷太常太守敦修學

較教授不輟繇是北州人為伏氏學

任未字本叔蜀郡繁人繁縣故城在今州新繁縣也少習齊詩遊京師教授

十餘年為郡功曹以病免

薛漢字公子淮楊人世習韓詩教授常數百人建武初為博士

當世言詩者推漢為長

杜撫字叔和犍為武陽人也少有高才受業於薛漢定韓詩章

句後歸鄉里教授沉靜樂道舉動必以禮弟子千餘人其所作

詩題約義通學者傳之曰杜君法云位至公車令

楊仁建武中詣師學習韓詩數年歸靜居教授為閬中令卒於

官

魯恭少習魯詩後拜魯詩博士繇是家法學者日盛

魯丕性沉深好學孳孳不倦遂杜絕交遊不答候問之禮士友常以此短之而不改然自得遂兼通五經以魯詩尚書教授為當世名儒後歸郡為督郵功曹所事之將無不師友待之卒於曹褒父充持慶氏禮傳褒又傳禮記四十九篇教授諸生千餘人慶氏學遂行於世褒位至侍中少傅父學授官於東平給章鮑永少有志操習歐陽尚書子昱少傳父學授官於東平給章馮豹好儒學以詩春秋教麗山下鄉里為之語曰道德彬彬馮仲文位至尚書

桓榮少習歐陽尚書事博士九江朱普普卒榮奔喪九江因留教授徒衆數百人莽敗天下亂榮抱其經書與弟子逃匿山谷雖常飢困而講論不輟後復官授江淮間位至太常

范升傳孟氏易以授楊政而陳元鄭衆皆傳費氏易其後馬融亦與其傳融授鄭玄玄作易注荀爽又作易傳自是費氏興而京氏遂衰位至駱城令

楊政字子行京兆人也少好學從代郡范升受梁丘易善說經書京師為之語曰說經鏗鏗楊子行教授數百人官至左中郎將

張興習梁丘易以教授建武中舉孝廉為郎謝病去復歸聚徒後辟司徒馮勤舉為孝廉相遷博士永平初遷侍中祭酒十年拜太子少傅顯宗數訪問經術既而聲稱著聞弟子自遠至者

著錄且萬人為梁丘家宗

著錄於南

十四年卒于官子勳傳興業位

至張掖屬國都尉

魏滿字叔牙習京氏易教授位至弘農太守

孫期字仲或濟陰武城人也少為諸生習京氏易古文尚書家貧事母至孝牧豕於大澤中以奉養焉遠人從其學者皆執經壘畔以追之司徒黃琬特辟不行

牟融習大夏侯尚書東海王良習小夏侯尚書沛國桓榮習歐陽尚書榮世習相傳授東京最盛扶風杜林傳古文尚書林同郡賈逵為之作訓馬融作傳鄭玄注解繇是古文尚書遂顯於世也

歐陽歙字王思安樂十乘人也自歐陽生傳伏生尚書至歙八世皆為博士歙為汝南太守在郡教授數百人濟陰曹魯字伯山從歙授尚書門徒三千人位至諫議大夫子祉河南尹傳父業教授又陳留陳奔字叔明亦授歐陽尚書于司徒丁鴻

牟長少習歐陽尚書拜博士稍遷河南太守免長自為博士及在河內諸生講習者常有數千餘人著錄前後萬言

宋登少習歐陽尚書教授數千人位至潁川太守

張馴少遊太學能講春秋左氏傳以大夏侯尚書教授位至司

農

孔僖字仲和自安國以下世傳古文尚書毛詩僖子季彥守其家業門徒數百人位至臨晉令

鄭衆傳周官經後馬融作周官傳授鄭玄玄作周官注玄本習小戴禮後以古經較之取其義長者故為鄭氏學玄又注小戴所傳禮記四十九篇通為三禮焉位至大司農

楊倫少為諸生師事司徒丁鴻習古文尚書為郡文學掾去職
講授於大澤中弟子千餘人位至大中大夫
楊寶習歐陽尚書哀平之世隱居教授
包咸少為諸生受業長安師事博士右師細君姓右習魯詩論
語王莽末歸去鄉里於東海界為赤眉所得遂見拘執十餘日
咸晨夜誦經自若賊異而遣之因住東海立精舍講授位至鴻
臚寺卿
魏應字君伯任城人也少好學建武初詣博士受業習魯詩閉
門誦習不交僚黨京師稱之後歸為郡吏舉明經除濟陽王文
學以疾免官教授山澤中徒眾常數百人後拜五中官郎將應
經明行修弟子自遠方至著錄數千人

衛宏字敬仲東海人也少與河南鄭興俱好古學初九江謝曼
卿善毛詩乃為其訓宏從曼卿受學因作毛詩序善得風雅之
旨於今傳於世後從大司空杜林更受古文尚書為作訓旨時
濟南徐巡師事宏後從林受學亦以儒顯繇是古學大興位至
議郎
董春少好學究極聖旨後還歸立精舍遠方門徒學者常數百
人諸生每升堂講鳴鼓三通橫經捧手請問百人追隨上堂難
問者百餘人
董均字文仲捷為資中人也習慶氏禮事大鴻臚王臨累遷五
官中郎將常教授百餘人
丁鴻授歐陽尚書於桓榮嗣封陵陽侯開門教授後代成封為

少府門下繇是益盛遠方至者數千人彭城劉愷北海巴茂九江朱張皆至公卿

樊儵剛定公羊嚴氏春秋章句世號樊侯學教授門徒前後三千餘人弟子潁川李修九江夏勤皆為三公

丁恭習公羊嚴氏春秋恭學義精明教授常數百人州郡請召不應後為侍中祭酒

周澤字穉都北海安丘人也少習公羊嚴氏春秋隱居教授門徒常數百人位至太常

甄宇字長文北海安丘人也清靜少欲習嚴氏春秋教授常數百人宇傳業子普普傳子承承講授數百人諸儒以承三世傳

業莫不歸服之位至太子少傅

樓望少習嚴氏春秋為左中郎將教授不倦世稱儒宗諸生著錄九千餘人

程曾受業長安習嚴氏春秋積十餘年還家講授會稽顧奉等數百人常居門下著書百餘篇皆五經通難又作孟子章句為

海西令卒於官

張玄字君夏河內河陽人也少習春秋顏氏兼通數家法建武初舉明經補弘農文學遷陳倉縣丞清淨無欲專心經書方其講問乃不食終日及有難者輒為張數家之說令擇從所安諸儒皆伏其多通著錄千餘人

李應為烏丸較尉以公事免官還居綸氏教授常千人

綸氏縣屬潁川

郡故城金陽城縣是也

李育扶風人也少習公羊嚴氏州郡請召育到輒辭病去常避地教授門徒數百位尚書令

穎容博學多通善春秋左氏傳師事太尉楊賜初平中避亂荆

州聚徒千餘人劉衛以為武陵太守不肯起

謝該字文儀南陽章陵人也善明春秋左氏傳為世名儒門徒

數百千人位至議郎

蔡玄字叔陵汝南南頓人也通五經門徒常千人其著錄者萬

六千人徵辟並不就

賈逵字景伯允明左氏明帝令逵自選公羊嚴顛諸生高才者

二十人教以左氏嚴彭江安樂俱受公羊與簡紙經傳各一通

竹簡及紙也逵遷衛士令永平八年乃詔諸儒選高才生受左氏穀

梁春秋古文尚書毛詩繇是四經遂行於世皆逵所選弟子及

門生為千乘王國郎朝夕受業黃門署學者皆欣欣羨慕焉

張酺永平九年明帝為四姓小侯開南宮學至五經師酺以尚書

教授位至司徒

魯丕拜趙相門生就學者常百餘人閩東號之曰五經復興魯

叔陵

李恂少習韓詩教授諸生常數百人位至武威太守

楊康好學常在外黃大澤教授門徒

鄧惲理韓詩嚴氏春秋後客居江夏教授後為甚長免官又避

地教授

寒朗好經學通書傳以尚書教授舉孝廉位至清河太守

李章習嚴氏春秋經明教授位至琅琊太守

劉茂習禮經教授常數百人位至侍中

索廬放以尚書教授千餘人位至諫議大夫

夏恭習韓詩孟氏易講授門徒常千餘人舉孝廉早卒

鍾浩世善刑律以詩律教授門徒千餘人為郡功曹後公府辟

召皆不就

劉淑少好學明五經遂隱居立精舍講授諸生常數百人位至

侍中虎賁中郎將

檀敷舉孝廉辟公府皆不就立精舍教授遠方至者常數百人

桓帝時博士徵不就

王良字仲子東海蘭陵人也少好學習小夏侯尚書王莽時寢

病不仕教授諸生千餘人

吳祐為河間相自免歸家不復仕躬灌園蔬以經書教授

郭林宗博通墳典以黨事起遂閉門教授弟子以千數

劉焉居陽城山積年教授舉賢方正辟司徒府

董扶字茂安少從師學兼通數經善歐陽尚書又事聘士

楊厚究極圖讖遂至京師遊覽太學還家講授

廖揚博習詩韓歐陽尚書教授常數百人州郡公府辟召皆不

應就

擊恂以儒術教隱于南山不應徵聘名重關西馬融從其遊學

博通經籍

馬融才高博治為世通儒教養諸生常有千數涿郡盧植北海

鄭玄皆其徒也弟子次以相傳鮮有入其室者融位議郎北海人
也造太學受業師事京兆第五元先始通京氏易
公羊春秋又從東郡張恭祖受周官禮記左氏春秋韓詩古文
尚書因涿郡盧植受扶風馬融融門徒四百餘人升堂進者五
十餘生立自遊學十餘年乃歸鄉里家貧耕於東萊學徒相隨
已數百人靈帝末弟子河內趙高等自遠方至者數千徵大司
農不就
盧植少與鄭玄俱事馬融能通古今好學研精而不守章句終
辭歸闔門教授位至尚書
皇甫規拜郎中託疾免歸以詩易教授門徒三百餘人積十四
年

賈洪字叔業京兆新豐人也好學有才而特精於春秋左氏傳
建安初付郡舉計掾應州辟州中自叅軍以下百餘唯洪與馮
翊嚴苞交通材學最高洪歷守三縣令所在輒除廩舍親授諸
生
國淵字子尼師事鄭玄後與邴原管寧等避亂遼東淵篤學好
古在遼東常講學於山巖士人多推慕之繇是知名
蔡衍少明經講授以禮讓化鄉里仕至議郎
張奐陷黨罪禁錮時禁錮者不能守靜或死或徒奐閉門不出
養徒千人著尚書難記三十餘萬言位至太常
邴原字根矩北海人黃中之難避地遼東積十餘年自反國土
於是講述禮樂吟咏詩書門徒數百服道數十時鄭玄以傳學

洽聞經解典籍故儒雅之士集焉原亦以高遠清白願志澹泊
口無擇言身無擇行故英偉之士向焉是時海內清議云青州
有邴鄭之學

魏趙典少篤行隱約

隱猶靜也約儉也

博學經書弟子自遠方至

典學孔子

七經河圖雜書內外藝文靡不貫綜受業者百餘有人

位至尚書令

吳虞翻為騎都尉翻性疏直數有酒失坐徒交州雖處罪放而
講學不倦門徒常數百人

徵崇河南人隱於會稽躬耕以求其志好尚者從學所教不過
數人輒止欲令其業必有成也

關澤州里先輩丹陽唐固亦修身積學為儒者著國語公羊穀

梁傳注講授常數十人位至中書令侍中太子太傅

晉續咸字孝宗為劉琨并州從事中郎性孝謹敦重履道貞素

好學師事京兆杜預專以春秋鄭氏易教授常數十人博覽群

言高才善文論

宋織燉煌劾毅人也隱居於酒泉南山明究圖緯弟子受業三

千餘人後前涼張祚徵為太子太傅

杜夷博覽百家算曆圖緯靡不畢究寓居汝穎之間十載足不

出門年四十餘始還鄉里閉門教授生徒千人位至國子祭酒

皇甫謐字士安博綜典籍沉靜寡欲有高尚之志故終身不仕

門人摯虞張軌牛綜席純皆為晉名臣

劉瓛少篤學博通五經聚徒教授常有數十齊武陵王暉為會

稽太守太祖欲令瓛為暉講除會稽郡丞學徒從之轉衆瓛姿

狀纖小儒學冠於當時京師士子貴遊莫不下席受業性謙率
通美不以高名自居遊諸閩人惟一門生持胡床隨後主人未
通便坐問答住在檀橋瓦屋數間上皆穿漏學徒敬慕不敢指
斥呼為青溪竟陵王子良親往修謁七年表世祖為瓌立館楊
烈橋故主弟給之生徒皆賀瓌曰室美豈為人哉此華宇豈吾
宅哉幸可詔作講堂猶恐見害也未及徙居遇病子良遣從瓌
學者彭城劉繪順陽范鎮將除於瓌宅營齋及卒門人受學並
弟服臨送

南齊樓幼瑜字季亦聚徒教授不應徵辟

吳苞字天蓋濮陽鄆城人也儒學善三禮及老莊宋泰始中過
江聚徒教學冠黃葛巾竹麈尾蔬食二十餘年隆昌元年詔曰

處士濮陽吳苞棲志窮谷秉操貞固沉靜味古白首彌厲徵太
學博士不就始安王遙光右衛江佑於蔣山南為之館學者咸
歸以之壽終

沈麟士字雲禎隱居餘不吳差山講經教授從學者數十百人
各營屋宇依止其側麟士重陸機連珠每為諸生講之

梁周弘正累遷國子博士時於城西立士林館弘正居以講授
聽者傾朝野焉

王承為中書門下侍郎兼國子博士時膏腴貴遊咸以文學相
尚宰以經術為業唯承獨好之發言吐論造次儒者在學訓諸
生述禮易義

張館為豫章內史館在郡述制旨禮記正言義四姓衣冠士子

聽者常數百人入為御史中丞大同末城西開士林館聚學者
館與右衛朱异大府卿賀琛通述制旨禮記中庸義

賀瑾為國子博士於學講授生徒常數百人
沈峻博通五經傳峻業者有吳郡張及會稽孔子雲官皆至五
經博士

賀瑒為步較尉領五經博士瑒於禮尤精館中生徒常數百弟
子明經對策至數十人

諸葛瓌琅琊也居京口瓌性勤於訓誘後生就學者日至居宅
狹陋無以容之太守張仄為起講舍

虞僧誕會稽人以左氏教授聽者亦數百人其該通義例當時
莫及

伏曼容初為宋中散大夫宅在瓦官寺東曼容施高坐於廳事
有賓客輒升高坐為講說生徒數十百人

卞華字昭丘為安成王功曹叅軍兼五經博士聚徒教授華博
涉有機辨說經折理為當時之冠

何佟之為國子博士永元末京師兵亂佟之常集諸生講論致
致不怠

孔子袿初為長沙嗣王侍郎兼國子助教講尚四十九篇聽者
常數百人

皇祿為國子助教於學講說聽者數百人
許懋字昭哲少孤好學為州閭所稱十四入太學受毛詩且領

師說覆講坐下聽者常數百人社至中廢子

陳元憲字德章尚書左僕射樞之弟也幼聰敏好學有雅量梁武帝修建庠序別開五館其一館在憲宅西憲常招引諸生與互談論每有新義出人意表同輩咸嘆服焉後入隋為晉王府長史

咸亨年十九梁武帝勅策孔子正言并周禮禮記義袁對高第仍除揚州祭酒從事史就國子博士宋懷方質儀禮義懷方北人自魏攜儀禮禮記疏秘惜不傳及將亡謂家人曰吾死後戚生若赴便以儀禮禮記義本付之若不來即宜隨屍而殯為儒者推許如此

沈德成為太學博士轉國子助教每自學還私室以講授道俗受業者數百人率皆如此

王元規遷南平王府限內叅軍王為江州元規隨府之鎮四方學徒不遠千里來請道者常數百人為國子助教東宮學士自梁代諸儒相傳為左氏學者皆以賈逵服虔之義

孫瑒鎮郢州常於山齋設講隸集立儒之士冬夏資奉為學者所稱

張譏性恬靜不求榮利嘗閑逸所居宅營山池植花果講周易老莊而教授焉吳郡陸元朗朱孟博一乘寺沙門法才法雲寺沙門惠休至貞觀道士姚緩皆傳其業位至東宮學士

後魏劉模為中書博士與李彪為僚並相愛好至於訓導國胄甄明風範遠不及彪也

索敞字巨振以儒學見拔為中書博士篤勤訓較肅而有禮京

師大族貴遊之子弟皆敬憚威嚴多所成益位至尚書牧守者
數十人皆受業於敞敞遂講授十餘年

馮元興魏郡肥鄉人學通禮傳有文才年三十三還鄉教授常
數百人

李郁為國子博士自國學之建諸博士率不講說朝夕教授唯

郁而已謙虛寬雅甚有儒者之風

劉昞字正明燉煌人父竇以儒學稱昞年十四就博士郭瑀第
子五百餘人通經業者八十餘人

高允博經通史為征南從事中郎府解還家教授受業者千餘
人

後魏李曾趙郡人孝伯之子也曾少治鄭氏禮左氏春秋以教

授為業

劉蘭武邑人性聰敏讀左氏五日一遍兼通五經先是張五實

以聰辨過人其所解說不本先儒之旨唯蘭推經傳之繇本注

者之意叅以緯候及先儒舊事甚為精悉自後經義審皆繇於

蘭蘭又明陰陽博物多識故為儒者宗瀛州刺史裴植徵蘭講

書於州城南館植為學主故生徒甚內稱焉又特為中山王英

所重英引在館令教其子熙誘畧等蘭前後數十成業者衆多

北齊張思伯河間樂城人也善說左氏傳為馬敬德之次撰刊

例十卷行於時亦治毛詩章句以二經教授齊安王廓武平初

為國子博士

鮑季詳弟長宣兼通禮傳武平末為任城王楷丞相掾常在京

教授貴遊子弟齊亡後歸鄉里講卒於家
張買奴平原人經義該博門徒千餘人諸儒咸推重之名甚盛
歷太學博士國子助教後周以二
後周樂遊為太學博士治小師氏下大夫自譙王儉以下並行
束修弟子之禮遊以經術教授甚有訓導之方武帝保定中頻
加賞賜遷遂伯中大夫詔魯公與畢公賢俱以束修之禮同受
業焉天和中出為潮州刺史秩滿還朝拜皇太子諫議復在露
門教授皇太子增邑一百戶
樊深講習五經為于謹府參事令在館教授子孫
熊安生長樂阜城人專以三禮教授弟子自遠方至者千餘人
乃討論圖緯據據異聞先儒所未悟者皆發明之齊河清中陽

休之特奏為國子博士安生既學為儒宗當時受其業擅名于
後者有馬崇伯張黑奴竇仕榮孔寵劉炫等皆其門人焉
隋何妥為國子博士出為龍州刺史時有負笈遊學者妥皆為
講說教授之

房暉遠治三禮春秋三傳詩書周易常以教授為務遠方負笈
而從者動以千計南陽王綽為定州刺史聞其名召為博士
蕭該篤學尤精漢書包愷兄愉明五經愷傳其業又從王仲通
受史記漢書尤稱精究大業中為國子助教于時漢書學者以
蕭包二人為宗聚徒教授著錄者數十人卒門人為起墳立碣
焉

為先為太學博士初教授三河間門徒千數至是多負笈後入

長安

劉焯信都昌亭人以儒學知名舉秀才射策甲科直門下省俄除員外將軍與楊素牛弘等於國子共論古今滯義後因國子釋奠與劉焯二人論議深挫諸儒諸儒或懷妬恨遂為飛章所謗除名為民於是優遊鄉里專以教授著述為務孜孜不倦然懷抱不廣又嗇於財不行束修者未常有所教誨時人以此少之

劉焯河間人與著作郎王邵同修國史俄直門下省兼於內省考定群言焯雖遍直三省竟不得官後除殿內將軍坐事除名歸于家以教授為務

王孝籍以博覽群言遍治五經開皇中召入秘書助王邵修史邵不之禮在省多年而不免輪稅孝籍奏於吏部尚書牛弘弘亦知其學業而不竟得調後歸鄉里以教授為業終于家唐秦暉字仁先晉陵無錫人也明尚書春秋兼通史傳隋煬帝召為秘書直學士後還家以講為務

王方慶年十六為趙王府行叅軍常就記室任希古受史記漢書能盡其業

書指畫其業

至文自二十六歲王有於泰軍常給官至出帝時受文

百餘歲書直學士封侯後以難為錄

書者執字以老晉楚無歸人出相尚書書者兼五史外難能

亦味其學業而不竟其歸於難里以難難難難難難

降不之難在首多平而不免論難難難難難難難難難

新刊監本册府元龜卷第五百九十九

學較部三

侍講 講論

侍講

夫六藝之文先王所以明天道正人倫致治之成法也自漢氏之罷黜百家崇尚經術制祿位以勸學者延儒生而備清問雖復禁庭冲邃廣內凝嚴而通經之士得以方領矩步侍講清燕稽古之力不亦榮乎魏晉而下以迄於唐從容近對延訪大義益不乏其人焉逮於元和之末始建學士之職列於內署恩禮尤重自非強記博識待問而不匱守道而無邪又曷能啟迪丕訓述宣帝裁順美而規失陳言以諷今者焉

漢兒寬治尚書武帝時為侍御史見帝語經學帝說之從寬問尚書一篇擢為中大夫

從寬問

一篇

寬有俊才初見武帝語經學帝曰吾始以尚書為樸學弗好及聞寬說可觀乃

梁丘賀瑯琊人從京房受易宣帝時為都司空令坐事論免為

庶人待詔黃門數人說教侍中為請侍中說以名賀賀入說帝

善之

韓商嬰之孫宣帝時為博士以易徵待詔殿中曰所受易即先

大傳所傳也

班伯少受詩於師丹成帝時大將軍王鳳薦伯宜勸學召見宴

眠殿誦說有法拜為中嘗侍帝方鄉學鄭寬中張禹朝夕入說

尚書論於金華殿中詔伯受焉既通大義又講異同於許商

遷奉車都尉數年金華之業絕出

班游博學有俊材為右曹中郎以選受詔進讀羣書於天子前讀書

後漢桓榮習歐陽尚書光武召榮令說尚書甚善之拜為議郎

每朝會輒令榮於公卿前敷奏經書帝稱善曰得生幾晚因拜

榮為博士車駕幸大學會諸博士論難於前辯明經義特荷賞

賜建武末為大嘗明帝即位乘輿嘗幸大嘗府令榮坐東面設

几杖會百官天子親自執業每大射養老禮畢輒引榮及弟子

升堂執經自為下說乃封榮關內侯

榮子郁以父任為郎明帝以郁先師子甚見親厚嘗居中論經

書和帝即位為長樂少府復入侍講經郁授二帝恩寵甚篤

樓望少習嚴氏春秋明帝永平初為侍中越騎較尉入講省內

張興習梁丘易永平十六年拜太子少傅明帝數訪問經術既而聲稱著聞弟子自遠至者著錄且萬人然二帝其書譙瑛玄之子善說易授明帝為北宮衛士令諱鴻與廣平王羨即名見說文侯之命篇頃之拜侍中後章帝詔鴻與廣平王羨及諸儒樓望成封桓郁賈逵等論定五經同異於北宮白虎觀使五官中郎將魏應主承制問難侍中淳于恭奏上帝親稱制臨決

賈逵為郎章帝立降意儒術好古文尚書左氏傳建初元年詔逵入講北宮白虎觀南宮雲臺帝善逵說召訓習韓詩為騎都尉建初中侍講章帝業包咸為大鴻臚習論語授顯宗子福亦以論語授和帝魏應經明行修建初四年為五官中郎將章帝甚重之數進見論難於前特授賞賜時會京師諸儒於白虎觀講論五經同異使應專掌問難侍中淳于恭奏之帝親臨稱制如石渠故事桓焉郁中子也順帝即位拜太傅錄尚書事復入授經禁中蔡玄順帝時為議郎講論五經同異甚合帝意

趙典少篤行隱約隱猶靜也博學經書弟子自遠方至桓帝建和中四府表薦四府太尉司徒司空大將軍府也典性明達志節清亮益州舉茂材以病辭太尉黃廣舉有道方正皆不應桓帝公車徵拜議郎侍講禁內徵對策為諸儒之表

桓彬為議郎建和中入侍講禁中中楊賜為越騎較尉建寧初靈帝當受學詔太傅三公選通尚書

桓君章句宿有重名者三公舉賜乃侍講於華光殿中

維陽宮殿名

劉寬建寧初徵拜大中大夫侍講華光殿遷侍中賜衣一襲

荀悅為黃門侍郎獻帝頗好文學悅與荀彧及黃門侍郎董遇

少府孔融侍講禁中旦夕談論

魏劉劭為散騎嘗侍齊王正始中執經講學賜爵關內侯

黃瓊為太常和平中選入侍講禁中

淳于雋為博士高貴鄉公甘露元年四月幸大學問諸儒曰聖

人幽贊神明仰觀俯察始作八卦後聖重之為六十四立爻以

極數凡斯大義罔有不備而夏有連山商曰歸藏周曰易易之

書其故何也雋對曰包羲因燧皇之圖而制八卦神農演之為

六十四黃帝堯舜通其變三代隨時質文各繇其事故易者變

易也名曰連山似山出內氣連天地歸藏者萬物莫不歸藏於

其中也帝又曰若使包羲因燧皇而作易孔子何以不云燧人

氏沒包羲氏作乎雋不能答帝又問曰孔子作彖象鄭玄作注

雖聖賢不同其所釋經義一也今彖象不與經文相連而注連

之何也雋對曰鄭玄合彖象於經者欲所學者尋省易了也帝

曰若鄭玄合之於學誠便則孔子曷為不合以了學者乎雋對

曰孔子恐其與文王相亂是以不合此聖人以不合為謙帝曰

若聖人以不合為謙則鄭公何獨不謙耶對曰古義弘深聖問

奧遠非臣所能詳盡帝又問曰繫辭云黃帝堯舜垂衣裳而天

下治此庖羲神農之世為無衣裳但聖人化天下何殊異爾邪

雋對曰三皇之時人寡而禽獸衆故取其羽皮而天下用足及

至黃帝人衆而禽獸寡是以作為衣裳以濟時變也帝又問乾為天而復為金為玉為老馬與細物並耶雋對曰聖人取象或遠或近近取諸物遠則天地講易畢復講尚書帝問曰鄭玄云稽古同天言堯同於天也王肅云堯順考古道而行之二義不同何者為是博士庾峻對曰先儒所執各有乖異臣不足以定之然洪範稱三人占從二人之言賈馬及肅皆以為順考古道以洪範言之肅義為長帝曰仲尼言唯天為大唯堯則之大美在乎則天順考古道非其至者也今發篇開義以明聖德而舍其大更稱其細豈作者之意邪對曰臣奉遵師說未喻大義至於折中裁之聖思次及四嶽舉鯀帝又問曰夫大人者與天地合其德與日月合其明思無不周明無不昭今王肅云堯意不能明鯀是以試用如此聖人之明有所未盡邪峻對曰雖聖人之弘猶有所未盡故禹曰知人則哲惟帝難之然卒能改授聖賢緝熙庶績亦所以成聖也帝曰夫有始有卒其惟聖人若不能始何以為聖其言惟帝難之然卒能改授蓋謂知人聖人所難非不盡之言也經云知人則哲能官人若堯疑鯀試之九年官人失序何得謂之聖哲峻對曰臣竊觀經傳聖人行事不能無失是以堯失之四凶周公失之二叔仲尼失之宰子帝曰堯之任鯀九載無成汨陳五行民用昏墊至於仲尼失之宰子言之任之間輕重不同也至於周叔之事亦尚書所載皆博士所當通也峻對曰此皆先賢所疑非臣寡見所能究論次及有鯀在下曰虞舜帝問曰當堯之時洪水為害四凶在朝宜速登聖賢

濟斯民之時也舜年在既立聖德光明而久不進用何也峻對曰堯咨嗟求賢欲遜已位岳曰否德忝帝位堯復使岳揚舉反陋然後薦舜薦舜之本寔繇於堯此蓋聖人欲盡衆心也帝曰堯既聞舜而不登用文時忠臣亦不進達乃使岳揚反陋而後薦舉非急於用聖恤民之謂也峻對曰非臣愚見所能逮及於是復命講禮記帝問曰太上立德其次務施報為治何繇而教化各異皆修何政而能致立於德施而不報乎博士馬焄對曰太上立德謂三皇五帝之世以德化民其次報施謂三皇之世以禮為治也帝曰二者致化薄厚不同將主有優劣邪時使之然乎焄對曰誠繇時有樸文故化有薄厚也

晉鄭冲初仕魏為司空及高貴鄉公講尚書冲執經親授與侍中鄭小同俱被賞賜

荀顛字景倩仕魏為侍中為少帝執經拜騎都尉賜爵關内侯庾峻為諫議大夫嘗侍文帝講詩中庶子何劭論風雅正變之義峻起難往反四坐莫能屈之

徐邈博涉多聞孝武帝始覽典籍招延儒學之士邈年四十四始補中書舍人在西省侍帝

車胤為中書侍郎孝武帝嘗講孝經僕射謝安侍坐尚書陸納侍講侍中下耽執讀黃門侍郎謝石吏部郎袁宏執經胤與丹陽尹王混擷句時論榮之

宋素繁泰始中為中書令領丹陽尹六年明帝於華林園茅堂講周易繁為執經

梁伏曼容字公儀初仕宋明帝好周易集朝臣於清暑殿詔曼容執經素業風采帝嘗以方嵇叔夜使吳人陸探微畫叔夜像以賜之

朱异為揚州議曹從事史兼太學博士高祖自講孝經使异執讀後為右衛將軍於議賢堂奉述高祖孝經義及就講朝士及道俗聽者千餘人為一時之盛時城西開士林館以延學士异與左丞賀琛述日述高祖禮記中庸義孔子祛兼中書通事舍人高祖撰五經講疏及孔子正言專啓子祛簡閱羣書以為義証事竟勅子祛與右衛朱异左丞賀琛於士林館述日執經累遷通直正員郎舍人如故後召入壽光殿講禮記義高祖善之拜員外散騎侍郎

賀瑒為太嘗丞有司舉治賓禮名見說禮義高祖異之詔朝朔望預華林講

陳張譏初仕梁補國子正言生武帝嘗於文德殿釋乾坤文言譏與陳郡袁憲等預焉勅令論議諸儒莫敢先出譏乃整容而進諮審循環辭令雅雅帝甚異之賜裙襦綃等仍云表卿稽古之力累遷士林館學士簡文在東宮出土林館發孝經題譏論議往復甚見嗟賞自是每有講集必遣使召之

後魏崔浩明元初為博士祭酒嘗授明元經書

燕鳳為黃門侍郎行臺尚書甚見禮重明元世與崔玄伯封懿

梁越等入講經傳出議朝政

孫惠蔚初為皇家博士侍講東宮及宣帝即位仍在左右敷訓

經典自冗從僕射遷祕書丞

崔僧淵入國坐兄弟徙於薄骨律鎮太和初得還孝文聞其有文學又開佛經善譚論勅以白衣賜褱帟入聽於永樂經武殿董徵為四門小學博士宣武詔徵入璿華宮令孫惠蔚商以六經崔光為車騎大將軍熙平元年

崔光為車騎大將軍熙平元年二月大師高陽王雍等奏舉光授孝明帝經

胡國珍為中書監與高陽王雍等輔政後與崔光俱授孝明經侍直禁中

馮元興為侍讀尚書賈思伯為侍講授孝明杜氏春秋於式乾殿元興嘗為擷句儒者榮之

封隆之為侍中東魏靜帝詔為侍講除吏部尚書

賈思同為黃門侍郎與國子祭酒韓子熙並為侍郎授靜帝杜氏春秋

竇瑗西魏出帝時為廷尉卿及釋奠開講瑗與散騎嘗侍溫子昇給事黃門侍郎魏季通直散騎嘗侍十李業興並為擷句

北齊李繪初仕東魏為高邕從事靜帝於顯揚殿講孝經記禮繪與從弟褰裴伯茂魏收盧元明等俱為錄議繪素長筆札尤

能傳授綴緝詞義簡舉可觀

張雕武成帝時為散騎嘗侍會侍講馬敬德卒乃入授經書帝甚重之以為侍讀與張景仁並被尊禮同入華光殿共讀春秋加國子祭酒假儀同三司待詔文林

後周辛公義為太學生太和中武帝詔入露門學令受道義每
月集御前令與大儒講論數被嗟異時輩慕之

隨宇文弼為太子虞侯率開皇中文帝嘗親臨釋奠弼與博士
論議詞致清遠觀者屬目帝大悅顧謂侍臣曰朕今者觀周公
之禮見宣尼之論孝實慰朕心於是頒賜各有差

元善為國子祭酒文帝嘗親臨釋奠命善講孝經於是敷陳義

理兼之以諷諫帝大悅曰聞江陽之說更啓朕心

善初仕周武
帝太子宮尹

賜爵陽
縣公

唐陸德明武德中為太學博士高祖幸國子學時徐文遠講孝
經沙門惠乘講般若經道士劉進喜講老子詔德明難此三人
德明雅有詞致論難鋒起三人皆為之屈高祖稱曰儒玄佛義

各有宗旨徐劉釋等並為之傑德明一舉而蔽之可謂達學矣

賚帛五十疋

孔穎達太宗貞觀中為給事中太宗問曰論語云以能問於不

能以多問於寡有若無實若虛何謂也穎對曰聖人設教欲人

謙光已雖有能不自矜大就就不能之人求訪能事已之才藝

雖多猶以為少仍就寡少之人更求所益已之雖有其狀若無

已之雖實其容若虛非唯士庶也帝王之德亦當如此夫帝王

內蘊神明外須玄默深不可測廣不可知故易稱以蒙養正以

明夷蒞衆若其位居尊極炫耀聰明以才凌人飾非拒謀則上

下情隔君臣道乖自古滅亡莫不繇此也太宗深善其對後拜

國子祭酒太宗幸國子學親觀釋奠穎達講孝經右庶子趙弘

智問之曰夫子門人曾閔俱稱大孝而云獨為曾說不為閔說何邪答曰曾孝特優門人不能逮也制旨駁之曰朕聞家語云昔曾皙使曾參鋤瓜而悞斷其本皙怒援大杖以擊其背曾子仆地絕而後蘇孔子聞之告門人曰參來勿內既而曾子請焉孔子曰舜之事父也使之嘗在側欲殺乃不可得小箠則受大杖則走今參於父委身以待暴怒陷親於不義不孝罪莫大焉繇斯而言孰愈於閔子騫也穎達不能對太宗又謂侍臣曰諸儒各生異意皆非聖人論孝之本旨也夫孝者善事父母自家形國忠於其君戰陣勇朋友信揚名顯親此之謂孝俱在經典而論者多離其文迥出事外以此為教勞而非法何謂孝之道趙弘智為陳王師永徽二年十二月高宗命弘智於百福殿講孝經召中書門下三品及弘文館學士國子學官並令預坐弘智演暢微言備陳五孝之義學生等難問連環弘智酬應如響帝謂弘智宜畧陳此經要道以補不逮對曰昔者天子有爭臣七人雖無道不失天下微臣顯愚願以此言奉獻帝甚悅賜絹二百疋名馬一匹

上官儀為弘文館學士顯慶五年六月高宗御齊聖殿引儀及呂才直學士李玄植道士張惠元李榮黃玄歸及名僧等於御前講論命李玄植登講坐發易題呂才李榮等以次問難敷揚經義移時乃罷

褚無量杭州鹽官人也初為國子博士時玄宗在春宮召拜國子祭酒兼皇太子侍讀玄宗即位為右散騎嘗侍復為侍讀以

其年老每隨仗出入特許緩步又為造腰輦令內給事舁於內殿

馬懷素為光祿卿開元三年十月制日春卿入講道盛儒學德璉賦詩義均師友光祿卿馬懷素靜專動直資忠履信詞賦成於鼓吹典墳富於泉海絕韋勵精重席待問豈止本仁祖義行先王之道故亦謙退謹密多君子之風朕以聽政之餘嘗思稽古之對俾遷近侍潤滋鴻業可左散騎嘗侍仍每日入朝侍讀薛放憲宗元和末為兵部郎中充皇太子侍讀穆宗即位拜工部侍郎集賢殿學士雖事任非切而恩顧轉隆又轉刑部兵部二侍郎禮部尚書兼學士如故

韋處厚元和末為戶部郎中知制誥穆宗即位以處厚為司勳易之麗澤有講習之象記之函丈著學問之規蓋古之方聞通經之士固有詳考同異辨析理趣以駕說傳道者矣自漢之表章六經為制祿位儒先間作議論螽起以至備對上前待詔清禁揚摧義訓發明體要本乎師授濟之口辨讐難交致精悍靡屈逮於羣居州處較練墳籍迭宣其奧曠雅彰於鴻博或微言特出迥折於異端或移書具存聿垂於嘉誥斯皆贊聖師之遺範為學者之所宗焉

漢轅固以治詩孝景時為博士與黃生爭論於上前黃生曰湯武非受命乃殺也固曰不然夫桀紂荒亂天下之心皆歸湯武湯武因天下之心而誅桀紂桀紂之民弗為使而歸湯武湯武不得已而立非受命而何黃生曰冠雖敝必加於首履雖新必

貫於足何者上下之分也今桀紂雖失道然君上也湯武雖聖臣下也夫主有失行臣不正言補過以導天子反因過而誅之代立南面非殺而何固曰必若云是高皇帝代秦即天子之位非邪於是上曰食肉不食馬肝未為不知味也言學者毋言湯武受命不為愚遂罷

韓嬰孝文時為博士武帝時與董仲舒論於帝側其人精悍處事分明悍勇銳仲舒不能難也

瑕丘江公為博士武帝時江公與董仲舒並仲舒通五經能持論善屬文江公呐於口呐古訥字帝使與仲舒議不如仲舒而丞相

公孫弘本為公羊學比輯其議卒用董生於是帝因尊公羊家詔太子受公羊春秋繇是公羊大興

員外郎史館修撰路隨並充翰林侍講學士召入太液亭命分講毛詩關雎尚書洪範等篇訪以禮體虔厚等演經義以廣規諷之道從容開納賜酒果而罷

崔郾寶曆初以諫議大夫充翰林侍講學士郾奏曰陛下授臣以侍講令八望矣未蒙召訪經義臣內慚尸素外愧臣僚敬宗答曰朕機務稍閒當召卿請益

宋申錫少孤貧有文學寶曆二年轉禮部員外郎尋充翰林侍講學士申錫自策名及在朝行清慎介潔不起黨與長慶寶曆之間時風囂薄朋比大扇及申錫備用時論以為激勸

張仲方為諫議大夫太和元年三月文宗召仲方與給事中高重中書舍人鄭澣度支郎中許康佐對並以將選侍講學士故

也是月以澣守本官康佐為駕部郎中並充翰林院講學士
丁公為禮部尚書太和三年四月充侍講學士

鄭覃太和五年為翰林侍講學士每入見必以厚風俗黜朋比
再三言之

李仲言太和八年十月自國子監四門助教為國子周易博士
充翰林侍講周易學士

高重開成七年十月以國子祭酒充翰林侍講學士詔令每月
一日十日入院不絕本司嘗務

梁吳藹為宗政副使太祖乾化二年自右散騎嘗侍遷刑部侍
郎與宣徽副使左散騎嘗侍李珽並充侍講學士

劉歆字子駿哀帝時與父向領較祕書歆嘗白帝左氏春秋可
立帝令歆與五經博士講論其義諸博士或不能置對

故不肯立其學也歆因移書太嘗博士讓之曰昔唐虞既衰而
置對置辭以對也三代迭興也

聖帝明王累起相襲其道甚著周室既微而禮
樂不正道之難全也如此是故孔子憂道之不行歷國應聘自

衛反魯然後樂正雅頌各得其所修易序書制作春秋以紀帝
王之道及夫子沒而微言絕七十子終而大義乖重遭戰國棄

籩豆之禮理軍旅之陳
籩豆盛食之器也以竹曰籩以木曰豆孔子之道抑而孫

吳之術興陵夷至於暴秦燔經書殺儒生設挾書之法行是古
之罪

以古事為是者即罪之道術繇是遂滅漢興去聖帝明王遐遠仲尼
之道又絕法度無所因襲時獨有一叔孫通畧定禮儀天下惟

有易卜未有他書也至孝惠之世乃除挾書之律然公卿大臣絳灌之屬咸介胄武夫莫以為意至孝文皇帝始使掌故朝錯

掌故官名也從伏生受尚書尚書初出於屋壁朽折散絕今其書見

在時師傳讀而已詩始萌芽言如草木之初生天下諸書往往頗出皆

諸子傳說猶廣立於學宮為置博士在漢朝之儒惟賈生而已

謂賈誼至孝武皇帝然後鄒魯梁趙頗有詩禮春秋先師前學之師皆

起於建元之間當此之時一人不能獨盡其經或為雅或為頌

相合而成秦誓後得博士集而讀之故詔書稱曰禮壞樂隳書

缺簡脫朕甚閔焉時漢興已七八年離於全經固已久已矣言廢

絕已久不可得其真也及魯共王壞孔子宅欲以為宮而得古文於壞壁

之中逸禮有三十九書十六篇天漢之後孔安國獻之遭巫蠱

倉卒之難未及施行及春秋左氏丘明所修皆古文舊書多者

二十餘通藏於祕府伏而未發孝成皇帝閱學殘文缺稍離其

真乃陳發祕藏較理舊文得此三事以考學官所傳經或脫簡

傳或間編脫簡遺失之簡編謂舊編爛絕就傳聞民間則有魯

國相公趙國貫公膠東庸生之遺學與此同抑而未施此乃有

識者之所惜閔士君子之所嗟痛也往者綴學之士不思廢絕

之闕苟因陋就寡分文析字煩言碎辭學者罷老且不能究其

一藝罷讀曰疲信口說而背傳記是末師而非往古至於國家

將有大事若立辟雍封禪巡狩之儀則幽冥而莫知其原謂暗

昧也猶欲保殘守缺伏恐隅見放僻之私意而無從善服義之公

心或懷妬疾不考情寔雷同相從隨聲是非抑此三學以尚書

為備當時學者謂尚書惟二十八篇不知本有百篇謂左氏為不傳春秋豈不哀哉今

聖上德通神明繼統揚業亦閱文學錯亂學士若茲雖昭其情

猶依回謙讓依違言不專執樂與士君子同之故下明詔試左氏可立

不遣近臣奉旨銜命將以輔弱扶微與二三君子比意同力異

得廢遺比合也經藝有廢遺者與得與立之比音頽寐反今則不然深閉固距而不肯

試猥以不誦絕之猥苟也苟以不誦之不欲絕去此學欲以杜塞餘道絕滅微學

夫可與樂成難與慮始此乃眾庶之所為耳非所望士君子也

且此數家之事皆先帝所親論今上所考視其古文舊書皆有

徵驗外內相應豈苟而已哉夫禮失求之於野古文不猶愈於

野乎愈勝也往者博士書有歐陽春秋公羊易則施孟然孝宣皇

帝猶立立穀梁春秋梁丘易大小夏侯尚書義雖相反猶並置

之何則與其過而廢之也寧過而立之過猶誤也傳曰文武之道未

墜於地在人賢者識其大者不賢者識其小者論語孔子弟子

記也一今此數家之言所以兼包大小之義豈可偏絕乎哉若

必專已守殘執已所偏見苟殘缺之文黨同門如道真黨同師之學如道藝之真也如與妬同

違明詔失聖意以陷於文吏之議甚為二三君子不取也其言

甚切諸儒皆怨恨是時名儒光祿大夫龔勝以劾移書上疏深

自罪責願乞骸骨罷及儒者師丹為大司空亦大怒奏劾改亂

舊章非毀先帝所立帝曰欲欲廣道術亦何以為非毀也哉

後漢范升為博士尚書令韓歆上疏欲為費氏易左氏春秋立

博士詔下其議建武四年正月朝公卿大夫博士見於雲臺帝

曰范博士可前平說升起對曰左氏不祖孔子而出於丘明師

徒相傳又無其人且非先帝所好無因得立遂與韓歆及大中大夫許淑等互相辨難日中乃罷
魏王弼好論儒道辭才逸辨齊王時為尚書郎與鍾會論議以較練為家然每服弼之高致何晏以為聖人無喜怒哀樂其論甚精鍾會等述之弼與不同以為聖人茂於人者神明也同於人者五情也神明茂故能體冲和以通元五情同故不能無哀樂以應物然則聖人之情應物而無累於物者也今以其無累便謂不復應物失之多矣弼注易穎川人荀融難弼大衍義答其意白書以戲之曰夫明足以尋極幽微而不能去自然之性顏子之量孔父之所預在然遇之不能無樂喪之不能無哀又嘗狹斯人以為未能以情從理者也而今乃知自然之不可草足下之量難以定乎胸懷之內然而隔踰旬朔何其想思之多乎故知尼父之於顏子可以無太過矣弼注老子為之指畧致有理統者道畧論注易往往有高麗言大原王濟好譚病老莊嘗云見弼易注所悞者多

管輅字公明冀州刺史裴徽辟為別駕齊王正史九年舉為秀才輅辭微微言丁鄧二尚書有經國才畧於物理不精也何尚書神明精微言皆巧妙巧妙之志殆破秋毫君當慎之自言不解易九事必當以相問比至雒宜善精其理也輅言何若巧妙以攻難之才遊形之表未入於神夫入神者當步天元推陰陽探玄虛極幽明然後覽道無窮末暇細言若欲差次老莊而參文象愛微辨而其浮藻可謂射侯之巧非能破秋毫也妙也若

九事皆至義者不足勞思也若陰陽者精之已久輅為何晏所請果共論易九事九事皆明晏曰君論陰陽此世無雙時鄧颺與晏共坐颺言君見謂善易而語初不及易中辭義何故也輅尋聲答曰夫善易者不論易也晏含笑而讚之曰可謂要言不煩也因請輅為卦輅既稱引鑒戒晏謝之曰知機其神乎古人以為難交疏而吐其誠今人以為難君今一面而盡二難之道可謂明德惟馨詩不云乎中心藏之何日忘之時平原太守劉邠清和有思理好易而不能精與輅相見意甚喜歡自說注易向訖也輅言今明府欲勞不世之神經緯大道誠富美之秋然輅以為注易之急急於水火水火之難登時之驗易之清濁延於萬代不可不先定其神而後垂明思也自旦至今聽採聖論未有易之一分易安可注也輅不解古之聖人何以處乾位於西北坤位於西南夫乾坤者天地之象然天地至大為神明君父覆載萬物生長無首何以安處二位與六卦同列乾之象豕曰大哉乾元萬物資乃統天夫統者始屬也尊莫大焉何繇有列位也邠依易繫辭諸為之理以為注不得其要輅尋聲下難事皆窮折曰夫乾坤者易之祖宗變化之根源今明府論清濁者有疑疑則無神恐非注易之符也輅於此為論八卦之道及爻象之精大論開廓衆化相連邠所解者皆以為妙所不解者皆以為神自說欲注易八年用思勤苦歷載靡寧定相得至論此才不及易不愛久勞喜承雅言如此相為高枕偃息矣欲從輅學射覆輅言今明府已虛神於注易亦宜絕思於一著靈著

者二儀之名數陰陽之幽契施之於道則定天下吉凶用之於術則收天毫纖微未可以為易也邠曰以為術者易之近數欲求其端耳若如來論何事於斯留輅五日不遑恤官但共清談邠自言數與何平叔論易及老莊之道至於精神遐流與化周旋清若金水鬱若山林非君侶也邠問輅易言剛健篤寔輝光日新斯為同不輅曰不同之名朝旦為輝日中為光又魏郡太守鍾毓清逸有才難輅易二十餘事自以為難之至精也輅尋聲投響言無留滯分張爻象義皆殊妙毓即謝輅

晉顧榮與紀瞻共破陳敏後瞻為尚書郎與榮同赴雒在塗共論易太極榮曰太極者蓋謂渾沌之時矇昧未分日月含其輝八卦隱其神天地混其體聖人藏其身然後廓然既變清濁乃

陳二儀著象陰陽交泰萬物始萌六合闔拓老子云有物混成先天地生誠易之太極也而王氏云太極天地愚謂未當夫兩儀之謂以體為稱則是天地以氣為名則是陰陽今若謂太極為天地則是天地自生無生天地者也老子又云天地所以能長且久者以其不自生故能長久一生二二生三三生萬物以資始冲氣以為和原元氣之本求天地之根恐疑以此為準也瞻曰昔庖羲畫八卦陰陽之理盡矣文王仲尼係其遺業三聖相承共同一致稱易準天無復其餘也夫天清地平兩儀交大四時推移日月輝其間自然之數雖經諸聖孰知其始吾子云矇昧未分豈其然乎聖人人也安得渾沌之初能藏其身於未分之内老子先天之言此蓋虛誕之說非易者之意也亦謂吾

子明通體解所不應疑意者直謂太極極盡之稱言其理極無復外形外形既極而生兩儀王氏指向可謂近之古人舉至極以為驗謂二儀生於此非復謂有父母若必有父母非天地其孰在榮遂止

宋周續之字道祖少有孝行晉末居廬山布衣蔬食終身不娶高祖踐祚復召之乃盡室俱下帝為開館於東郭外招集生徒乘輿降幸並見諸王問續之禮記傲不長與我九齡射於矍圃三義辨析精奧稱為多通

南齊陸澄武帝永明元年轉度支尚書尋領國子博士時國學置鄭王易杜服春秋何氏公羊糜氏穀梁鄭玄孝經澄謂尚書令王儉曰孝經小學之類不宜列在帝典乃與儉書論之曰易

近取諸身遠取諸物彌天地之道通萬化之情自商瞿至田何其間五傳年未為遠無訛雜之失秦火所不焚無推壞之弊雖異家之學同以象數為宗數百年後乃有王弼王濟云弼所悟者多何必能頓廢前儒若謂易道盡於王弼方須大論意者無乃仁智殊見且易道無體不可以一體求屢遷不可以一遷執也晉大興四年太常荀崧諸置周易鄭玄注博士行乎前代于時政繇王庾皆才雋神清能言玄遠捨輔嗣而用康成豈其妄然泰元立王肅易建以在玄弼之間元嘉當學之始玄弼兩立逮顏延之為祭酒黜鄭置王意在貴玄事成敗儒今若不大弘儒風則無所立學衆經皆儒惟易獨玄玄不可棄儒不可缺謂宜並存所以合無體之義且弼於注經中已舉繫辭故不復別

注今若惠取弼易則繫說無注左氏泰元取服虔而兼取賈逵
經繇服傳無經雖在注中而傳又有無經者故也今留服而去
賈則經有所闕按杜預注傳王弼注易俱是晚出並貴後生杜
之異古未如王之奪寔祖述前儒特舉其過又釋例之作所弘
惟深穀梁泰元舊有麋信注顏益以范甯麋猶如故顏論閏分
范注當以同我者親嘗謂穀梁劣公羊為注者又不盡善竟無
及公羊之有何休恐不足兩立必謂范善便除麋世有一孝經
題為鄭玄注觀其用辭不與注書相類按玄自序所注衆書亦
無孝經儉答曰易體微遠寔貫羣籍施孟異聞周韓殊旨豈可
專據小王便為該備衣舊存鄭允同來說元愷注傳超邁前儒
若不列學官其可廢矣賈氏注經世所罕習穀梁小書無俟兩
注存麋畧范率繇舊式凡此諸義並推論疑孝經非鄭所注僕
以此書明百行之首寔人倫所先七畧藝文並陳之六藝不與
蒼頡凡將流之也鄭注虛寔前代不嫌意謂可安仍舊立置
梁劉杳高祖天監初為太學博士宣惠豫章王行參軍者妙好
學博綜羣書沈約任昉以下每有遺忘皆訪問焉嘗於約坐語
及宗廟犧樽約云鄭元答張謂為畫鳳凰尾娑娑然今無復此
器則不依古杳曰此言未必可安古者尊彝皆刻木為鳥獸鑿
項及背以出內項魏世魯郡地中得齊大夫子尾逆女器有犧
尊作犧牛形晉永嘉賊曹窋於青州發齊景公冢又得此二尊
形亦為牛象二處皆古之遺器知非虛也約大以為然約又云
何承天纂文竒博其書載張仲師及長頸王事此何出杳曰仲

師長尺二寸惟出論衡長頸是毗騫王朱建安扶南以南記云
古來至今不死約即取二書尋簡一如沓言

伏挺天監初除中軍參軍事居宅在潮溝於宅講論語聽者傾
朝

後魏陳竒與河澗邢祐同名赴京祕書監游雅引入祕書省與
竒論典誥至易訟卦天與水違行雅曰白葱嶺以西水皆西流
推此而言易之所及自葱嶺以東耳竒曰易理懸廣包含宇宙
若如公言自葱嶺以西豈東回望兌哉竒執義非雅每如此類
雅性護短因以為嫌

新刊監本冊府元龜卷第五百九十九

新刊監本冊府元龜卷第六百

學較部 四

師道

夫師嚴道尊民乃貴學東修受業人知向方是故傳先聖之訓
有在三之重焉若乃列徒著籍而博喻不倦升堂窺奧而請益
彌堅心志既通行業增廣道之所在義亦至焉故有廬墓盡哀
去官行服或詠嘆其至德或撰集其緒言或罔避嚴刑上章以
訟其枉或不敢受爵讓封以歸其功或貌是孤遺竄身以全受
或罹於刑辟冒禁以收瘞是皆誠發於衷義形於外是以報師
資之德敦風教之本誠士大夫之懿行哉孔子之喪門人疑所
服無喪師之禮子貢曰昔者夫子之喪顏淵若喪子而無服喪子路

亦然請喪夫子若喪父而無服二三子皆經而出尊師也出謂

則凡吊服加麻者出則變服羣居則經出則經羣謂七十二弟子相謂朋友

孔子葬魯城北泗上孔子家去城一里冢塋百畝冢南北廣十

為壇方六尺與地平本無祠堂冢塋中樹以數百皆異種魯人

世莫能名其樹者民傳言孔子弟子異國人各持其方樹來

種之孔子塋中不弟子皆服三年三年心喪畢相訣而去則哭

各復盡哀或復留唯子貢廬於冢凡六年然後去弟子及魯人

往從冢而家者百有餘室因命曰孔里世世相傳以歲時奉祀

孔子冢而諸儒亦講禮鄉飲大射於孔子冢

顏淵字子淵魯人孔子弟子也淵喟然嘆曰喟嘆仰之彌高鑽

之彌堅言不可窮盡瞻之在前忽焉在後言恍惚不可為象夫子循循然善

誘人循、次序貌誘進也言夫子正以此道進勸人有次序博我以文約我以禮欲罷不

能既竭吾才如有所立卓爾雖欲從之末繇也已言夫子既以文章開博我

又以禮節約我使欲罷而不能已極我才矣其有所立則又卓然不可及言己蒙夫子之善誘猶不能及夫子之所也

冉求魯人孔子弟子為季氏宰將師與齊戰於郎克之季康子

曰子之於軍旅學之乎性之乎冉有曰學之於孔子季康子曰

孔子如何人哉對曰用之有名播之百姓質諸鬼神而不惑求

之至於此道雖累千社夫子不利也康子曰我欲召之可乎對

曰欲召之則毋以小人間之則可矣

端木賜字子貢衛人孔子弟子也子貢曰夫子之文章可得而

聞也章明也文彩形質夫子之言性與天道不可得而聞也性

人之所受以生也天道者元亨利公孫朝問於子貢曰

尼仲焉學子貢曰文武之道未墜於地在人賢者識其大者不

賢者識其小者莫不有文武之道焉夫子焉不學文武之道未

與不賢各有所識而亦何嘗而亦何嘗師之有夫子無所不從學

叔孫武叔語大夫於朝魯大夫叔孫曰子貢賢於尼仲子服景

伯以告子貢子貢曰譬之宮墻賜之墻也及有窺見室家之好

夫子之墻數仞不得其門而入不見宗廟之美百官之富得其

門者或寡矣曰仞夫子之云不亦乎夫子謂叔孫武叔毀仲尼

子貢曰無以為也仲尼不可毀也他人之賢者丘陵也猶可踰

也仲尼日月也無得而踰焉人雖欲自絕其何傷於日月乎多

見其不知量也言人雖自絕棄於日月其何能傷陳子禽謂子

貢曰子為恭也仲尼豈賢於子乎子貢曰君子一言以為知一

言以為不知言不可不慎也夫子之不可及也猶天之不可階

而非也夫子之得邦家者謂為諸侯所謂立之斯立道之斯行

綏之斯來動之斯和其生也榮其死也哀如之何其可及也綏

也言孔子為政故其立教則無不立道之則莫不興行安

孟嘗君請學於閔子使車往迎閔子曰禮有求學無往教致師

而學則不能禮往教則不能化君所謂不能化君也臣所謂不

能化臣也於是孟嘗君曰敬聞命矣明日祛衣請受業

漢于定國為廷尉乃迎師學春秋身執經北面脩弟子禮

孫寶字子嚴潁川鄆陵人也鄆音以明經為郡吏御史大夫張

忠辟寶屬欲令授子經更為除舍除謂修飾設除謂像備器

也大紀寶自幼去忠固還之固者謂再心內不平恨其後置寶主

簿寶徒入舍奈竈請比隣忠陰察恠之所親問寶前大夫為君

賢者識其小者莫不有文武之道焉夫子焉不學文武之道未墜落於地賢

與不賢各有所識夫子無所不從學而亦何嘗而亦何嘗師之有

叔孫武叔語大夫於朝魯大夫叔孫州雝武謚曰子貢賢於尼仲子服景

伯以告子貢子貢曰譬之宮墻賜之墻也及有窺見室家之好

夫子之墻數仞不得其門而入不見宗廟之美百官之富得其

門者或寡矣曰仞夫子之云不亦乎夫子謂武叔叔孫武叔毀仲尼

師之有無師不從人故無嘗師為也仲尼不可毀也他人之賢者丘陵也猶可踰

也仲尼日月也無得而踰焉人雖欲自絕其何傷於日月乎多

見其不知量也言人雖自絕棄於日月其何能傷傷之乎適足自見其不知量也陳子禽謂子

貢曰子為恭也仲尼豈賢於子乎子貢曰君子一言以為知一

言以為不知言不可不慎也夫子之不可及也猶天之不可階

而非也夫子之得邦家者謂為諸侯若即大夫所謂立之斯立道之斯行

綏之斯來動之斯和其生也榮其死也哀如之何其可及也定綏

也言孔子為政故其立教則無不立道之則莫不興行安之則遠者來至動則莫不和睦故能生則榮顯死則哀慟

孟嘗君請學於閔子使車往迎閔子曰禮有來學無往教致師

而學則不能禮往教則不能化君所謂不能化君也臣所謂不

能化臣也於是孟嘗君曰敬聞命矣明日祛衣請受業

漢于定國為廷尉乃迎師學春秋身執經北面脩弟子禮

孫寶字子嚴潁川鄆陵人也鄆音偃以明經為郡吏御史大夫張

忠辟寶屬欲令授子經更為除舍除謂修飾掃除也設除侍謂像備器物也侍音

也大紀寶自幼去忠固還之固者謂再三留之心內不平恨其去也後置寶主

簿寶徙入舍奈竈請比隣忠陰察恠之所親問寶前大夫為君

設除大舍子自幼去也欲為高節也今兩府高士俗不為主簿
子既為之徒舍甚悅何前後不相副也竇曰高士不為主簿而
大夫君以竇為可一府莫言非言大夫以為竇適可為主簿士
安得獨自高前日君男欲學文而移竇自近文禮書也禮有來學義
無往教道不可詘身詘何傷且不遭者可無不為况主簿乎言
不遇知己則當屈辱無所不為也忠聞之甚慚

楊雄字子雲蜀郡成都人為郎久次轉為大夫雄少從嚴君平
游學成而仕京師顯名數為朝廷在位賢者稱君平德

侯芭鉅鹿人嘗從楊雄居受其太玄法言雄卒芭為起墳喪之
三年

許商從周堪受尚書四至九卿號其門人沛唐林子高為德行

平陵吳章偉君為言語重泉王吉少音為政事齊快欽幼知為

文學

依孔子弟子顏回以下為四科也快音雅

王莽時林吉為九卿自表上師冢大

夫博士郎更為許氏學者各從門人會車數百兩儒者榮之欽

章皆為博士徒眾尤盛

云敞平陵人師事同縣吳章治尚書博士章坐王莽子宇腰斬
初章為當世名儒教授尤盛弟子千餘人莽以為惡人黨皆當
禁錮不得仕官門人盡更名他師敞時為大司徒掾自幼吳章
弟子收抱章尸歸棺斂之京師稱焉車騎將軍王舜高其志飾
比之樂布表奏以為掾薦為中郎諫大夫

後漢孔奮字君魚少從劉歆受春秋左氏傳歆稱之謂門人曰
吾已從君魚受道矣言魚之道已過於已也位至武都太守

杜林扶風茂陵人初為郡吏光武徵拜侍御史林少好學時稱通儒京師士大夫咸推其博洽河南鄭興東海衛宏等皆長於古學興嘗師事劉歆林既遇之欣然言曰林得興等固諧矣使宏得林且有以益之及宏見林闔然而服濟南徐巡始師事宏後皆更受林學林前於西州得漆書古文尚書一卷嘗寶愛之雖遭艱困握持不離身出示宏等曰林流離兵亂嘗恐斯經將絕何意東海衛子濟南徐生復能傳之是道竟不墜於地也古文云雖不合時務然願諸生無悔所學宏巡益重之於是古文遂行又曰衛宏少與河南鄭興好古學初九江謝曼卿善毛詩傳於世後從大司空杜林更受古文尚書為作訓旨時濟南徐巡師事宏後從林受學亦以儒顯錄是古學大興于世桓榮少習歐陽尚書事博士朱晉至王莽篡位乃歸會朱晉卒榮

奔喪九江員士成墳榮門徒嘗四百餘人何湯為高弟明帝始

立為皇太子選求明經乃擢榮弟子豫章何湯為虎賁中郎將

以尚書授太子光武從容問湯從音七本師為誰湯對曰事沛

國桓榮帝即召榮令說尚書甚善之拜為議郎桓榮門徒何湯字仲弓以明經

嘗授太子推薦榮、拜五更封關內侯榮嘗言曰此何仲弓之力也

歐陽歙字玉思傳伏生尚書為汝南太守在郡教數百人徵為

司徒坐贓十萬下獄

汝南高獲字敬公與光武有素舊師事歙、下獄當斷獲冠鐵

冠帶銖鎖詣闕請歙又諸生守闕為歙求哀者千餘人至有自

髡剔者平原震禮年十七聞獄當斷馳之京師行到河內獲嘉

縣自繫上書求代歙死書奏而歙已死

楊政字子行京兆人從博士范升受易光武時升嘗為出婦所
告坐繫獄政乃肉袒以箭貫耳抱升子潛伏道傍候車駕而持
章叩頭大言曰范升三娶惟有一子今適三歲孤之可哀武騎
虎賁懼驚乘輿引弓射之尤不肯去旄頭又以戟叉政傷脅政
猶不退哀泣辭請有感帝心詔曰乞生師乞讀日氣即尺一出升政
繇是顯名

鍾興汝南人少從丁恭受嚴氏春秋為左中郎將光武詔定春
秋章句以授皇太子及宗室諸侯從興授章句封關內侯興自
以為無功不敢受爵光武曰生教訓太子及諸王侯非大功耶
興曰臣師丁恭於是復封恭而興遂固辭不受爵
任末蜀郡繁人少習齊詩為郡功曹後奔師喪於道物故臨命

物兄子造曰必致我尸於師門使死而有知魂靈不慚如其無
知得士而已造從之

鄭弘會稽人為郡督郵舉孝廉弘師同郡河東太守隄楚王

英謀反發覺以疏引也既疏書被收捕疾病於道亡沒妻子閉

繫詔獄掠考連年諸生故人懼相連及皆改變姓名以逃其禍

弘髡頭負鉄鎖詣闕上章為既訟罪明帝覺悟即赦其家屬弘

躬送既喪及妻子還鄉里弘繇是顯名拜為驩令

樂恢字伯奇京兆人為尚書僕射數上疏言竇憲兄弟稱疾乞

骸骨歸鄉里憲風厲州郡迫脅恢飲藥死弟子縑經輓者數百

人庶眾痛傷之

趙康字叔盛南陽人隱于武當山清淨不仕以經傳教授同郡

朱穆為侍御史時年五十乃奉書稱弟子及康沒喪之如師穆
尊德重道為當時所服

延篤字叔堅南陽人為平陽侯相以師喪棄官奔赴五府並辟
不就

姜肱字伯淮博通五經兼明星緯士之遠來就學者三千餘人
再徵不就及終弟子陳留劉攄追慕肱德共刊石頌之

張霸字伯饒蜀郡人就長水校尉樊儵受嚴氏公羊春秋遂博
覽五經諸生孫林劉固段著等慕之各市宅其傍以就學焉

廉范京兆人受業事博士薛漢後辟公府會漢生楚王英事誅
故人門生莫敢視獨范往收斂之吏以聞明帝大怒詔范入詰
責曰薛漢與楚王同謀亂天下范公府掾不與朝廷同心而反

收斂罪人何也范叩頭曰臣無狀愚戇以為漢等皆伏誅不勝
師資之情當萬坐帝怒稍解問范曰卿廉頗後耶與右將軍褒
大司馬丹有親屬乎范對曰褒臣之曾祖母臣之祖也帝曰恠
卿志膽敢爾因賞之繇是顯名

孫期少為諸生習京氏易古文尚書遠人從其學者皆執經隴
畔以追之司徒黃琬特辟不行終於家

謝夷吾為會稽督郵太守第五倫甚重其道德轉署主簿使子
從受春秋夷吾待之如師弟子之禮時或遊戲不肯讀書便白
倫行罰遂成其業

庾扶汝南平輿人習韓詩歐陽尚書教授數百人公府辟召皆
不應太守謁悅先為諸生從扶學後臨郡未到先遣吏修門人

之禮又欲擢扶子弟固不肯當然因號為北郭先生
李邵字孟節為司空卒門人上黨馮胃獨制服心喪三年時人
異之

孔昱字元世魯國人為議郎補雒陽令以師喪棄官卒於家

劉祐字伯祖中山人嚴學氏春秋小戴禮古文尚書仕郡為主

簿郡將小子嘗錢付之令市買果實祐悉以買筆書具與之

因白郡將言郎君年初可入小學而但傲狠遠近謂明府無過

庭之教請出授書郡將為使子就祐受經五日一試不濡呈限

白決罰遂成學業

李固字子堅官至太尉為梁冀所誅露尸於四衢令有敢臨者

加其罪固弟子汝南郭亮年始成童游學雒陽乃左提章鉞章調

所上章也右秉鉞鑕詣闕上書乞收固屍不許因往臨哭陳辭

於前遂守喪不去夏門亭長呵之曰李杜二公為大臣不能安

上納忠而興造無端卿曹何等腐生公犯詔書干繫有司乎亮

曰亮含陰陽以生戴乾履坤義之所動豈知性命何為以死相

懼亭長嘆曰居非命之世天高不敢不跼地厚不敢躋耳目適

宜視聽口不可以妄言也梁太后聞而不誅董班南陽人少游

大學宗事固聞固死乃星行奔赴哭泣盡哀遂守尸積十日不

去梁太后桓帝憐其義烈聽許送喪到漢中赴葬畢而還二人

繇此顯名三公並辟班遂隱身莫知所歸又弟子趙承等悲嘆

不已乃共論固言迹以為德行一篇固所授弟子穎川杜訪汝南鄭遂河內趙承等七十

二人相與哀嘆悲憤以為眼不復瞻固形王成為李固門生固

容耳不復聞固嘉訓乃共論集德行一篇

誅下郡收固二子皆受害少子燮年十三其姊文姬乃告成曰
君執義先公有古人之節今委君以六尺之孤李氏存滅其在
君矣成感其義乃將燮乘江東下入徐州界內令變名姓為酒
家傭而成賣卜於市各為異人陰相往來燮從受學酒家異之
意非嘗人以女妻燮一專精考經學十餘年聞梁冀既誅而災
青屢見明年史官上書宜有赦令又當存錄大臣冤死者子孫
於是大赦天下並求固後嗣燮乃以本末告酒家酒家具車重
遣之皆不受遂還鄉里追服後成卒燮以禮葬之感傷舊恩每
四節為設上賓之位而祠焉

荀淑字季和潁川人為當途長去職還鄉里當世名賢李固李
膺等皆師宗之淑卒李膺時為尚書自表師喪二縣皆為立祠

云淑有高才王
易李膺皆以為師

劉焉江夏竟陵人也魯恭王後也少任州郡以宗室拜郎中以

師祝公喪去官

司徒祝
恬也

羊弼為博士何休師之先是博士李育作難左氏四十事又以
公羊義難賈逵往昔皆有理證育卒休與弼追述育意以難二
傳作公羊墨守左氏膏肓穀梁廢疾又休注公羊云何氏學有
不解者或曰休辭受於師乃宣此義不出於己此言為允也

包咸會稽人習魯詩論語太守黃譖署戶曹史欲召咸入授其

子咸曰禮有來學而無往教

禮聞來學不
聞往教也

譖遂遣子師之

樓望字次子少習嚴氏春秋為左中郎將諸著錄九十餘人及
卒門生會葬者數千人儒家以為榮

鄭玄字康成北海人西入關因涿郡盧植事扶風馬融，門徒四百餘人升堂進者五十餘生融素驕貴玄在門下三年不得見乃使高業弟子傳受於玄，日夜尋誦未嘗怠倦會融集諸生考論圖緯聞玄善籌乃召見於樓上玄因從質諸疑義問畢辭歸融喟然謂門人曰鄭生今去吾道東矣玄自游學十餘年乃歸鄉里家貧傭耕東萊學徒相隨已數千人黨錮解時玄年六十弟子河內趙高等自遠方至者數千餘人遺令薄葬自郡守以下嘗受業者纒經赴會千餘人門人相與撰玄荅諸弟子問五經依論語作鄭志八篇其門人山陽郗慮至御史大夫東萊王基清河崔瑛並著名於世玄位大司徒魏王朗字景興東海郟人以通經拜郎中除菑丘長師太尉楊

賜、薨棄官行服

夏侯惇沛國人年十四就師學人有辱其師者惇殺之繇是以烈氣聞後終大將軍

王肅字子雍為中領軍散騎嘗侍薨門生纒經至者以百數

蜀譙周字允南巴西人以門人文立為顏回陳壽李密為游夏羅憲為子貢至晉文王為魏相國封周為陽城亭侯晉室踐祚

拜騎都尉

晉王裒字偉元咸陽人隱居教授三徵七辟皆不就門人為本縣所役告裒求屬令裒曰卿學不足以庇身吾德薄不足以蔭卿屬之何益且吾不執筆已四十年矣乃步擔乾飯兒負鹽鼓草履送所役生到縣門徒隨從者千餘人安丘令以為詣已整

鄭玄字康成北海人西入關因涿郡盧植事扶風馬融，門徒四百餘人升堂進者五十餘生融素驕貴玄在門下三年不得見乃使高業弟子傳受於玄，日夜尋誦未嘗怠倦會融集諸生考論圖緯聞玄善籌乃召見於樓上玄因從質諸疑義問畢辭歸融喟然謂門人曰鄭生今去吾道東矣玄自游學十餘年乃歸鄉里家貧傭耕東萊學徒相隨已數千人黨錮解時玄年六十弟子河內趙高等自遠方至者數千餘人遺令薄葬自郡守以下嘗受業者纒經赴會千餘人門人相與撰玄答諸弟子問五經依論語作鄭志八篇其門人山陽郗慮至御史大夫東萊王基清河崔瑛並著名於世玄位大司徒魏王朗字景興東海郟人以通經拜郎中除菑丘長師太尉楊

賜、薨棄官行服

夏侯惇沛國人年十四就師學人有辱其師者惇殺之繇是以烈氣聞後終大將軍

王肅字子雍為中領軍散騎嘗侍薨門生纒經至者以百數

蜀譙周字允南巴西人以門人文立為顏回陳壽李密為游夏羅憲為子貢至晉文王為魏相國封周為陽城亭侯晉室踐祚拜騎都尉

晉王裒字偉元咸陽人隱居教授三徵七辟皆不就門人為本縣所役告裒求屬令裒曰卿學不足以庇身吾德薄不足以蔭卿屬之何益且吾不執筆已四十年矣乃步擔乾飯兒負鹽鼓草履送所役生到縣門徒隨從者千餘人安丘令以為詣已整

衣出迎之哀乃下道至土牛傍盤折而立云門生為縣所役故
來送別因執手涕泣而去令即放之一縣以為耻
霍原字休明燕國人以賢友徵不到山居積年門徒百數後為
王浚所害懸其首諸生悲哭夜竊尸共埋殯之遠近駭愕莫不
寃痛之痛之

孔冲會稽人為豫章太守東陽人許孜年二十師事冲受詩書
禮易及孝經論語學竟還鄉里冲在郡喪亡孜聞問盡哀負擔
奔赴送喪還會稽蔬食執役制服三年

和嘉酒泉人博通經傳精究大義西游海渚教授門生千餘人
張重華徵為儒林祭酒性和裕教授不倦依孝經作二九神經
在朝卿士郡縣守令彭和正等受業獨拜牀下者二千餘人張

天錫謂為先生而不名之竟以壽終

郭瑀字元瑜敦煌人少有超俗之操東游張掖師事郭荷盡傳
其業精通經義雅辯談論多才藝善屬文荷卒瑀以父生之師
成之君爵之而五服之制師不服重蓋聖人謙也遂服斬衰廬

墓三年瑀隱于臨松薤谷太守辛章遣書生三百人就受業焉
南齊劉瓛字子珪沛國人少篤學聚徒教授除步兵較尉不拜
姿狀纖小儒學冠于當時京師士子貴游莫不下席受業性謙

率不以高名自居之詣於人惟一問生持胡牀隨後主人未通
便坐問荅住在檀橋瓦屋數間上皆穿漏學徒敬慕不敢指斥
呼為青谿焉竟陵王子良親往修謁表武帝為瓛立館以楊烈

橋故主第給之生徒皆賀瓛曰室美豈為人哉此華宇豈吾宅

即幸可詔作講堂猶恐見害也未及徙居遇病子良遣從璫學者彭城劉繪順陽范頌將厨于璫宅營齋及卒門人受學並弔服臨送

梁張充武帝時為國子祭酒長於義理登堂講說皇太子以下皆至時三侯多在學執經以拜充朝服而立不敢當也諸葛瓌字幼玖琅邪陽都人世居京口瓌幼事徵士閔康之博涉經史復師徵士臧榮緒著書稱瓌有發摘功方之壺遂後舉秀才不就

嚴植之為步兵參軍士高祖天監四年初置五經博士各開館教授以植之為五經博士植之館在潮溝生徒嘗百設植之講五館生必至聽者千餘六年遷中撫軍記室參軍猶兼博士七年卒於館植之自疾後不受廩俸妻子困乏既卒喪無所寄止徒為市宅得成喪焉

後魏劉獻之博陵饒陽人善春秋毛詩每講左氏盡隱公八年便云義例已了不復須解繇是弟子不能究亮其說孝文詔以典內教書徵之固以疾辭時中山張吾貴與獻之齊名海內皆曰儒宗吾貴每一誦唱門徒千數其行業可稱者寡人之著錄數百而已皆通經之士於士有識者辨其優劣

嘗爽字仕明河內人宣時武戎車屢駕征伐為事貴游子弟未達學術爽置館溫泉之右教授門徒七百餘人京師學業翕然復興爽立訓甚有勸罰之科弟子事若嚴君焉尚書左僕射元翥平原太守司馬真安著作郎程靈虬皆是爽教所及崔浩高

心並稱爽之嚴教獎厲有方乞曰文翁柔勝先生剛克立教雖殊成人一也其為通識歎服如此爽不仕時人號為儒林先生徐遵明字子判講孝經論語毛詩尚書二禮不出門凡經六年又撰春秋義章是後教授門徒蓋寡久之為盛每臨講坐必持經執疏然後敷陳其學徒至今寢以成俗遵明講學於外二十餘年海內莫不宗仰孝莊永安中遵明為亂兵所害出帝承熙二年遵明弟子通直散騎常侍李興表曰臣聞行道樹德非求利於當年服義履仁豈邀恩於沒世但天爵所存果致式閭之禮民望收屬終有祠堂之榮伏見故處士兗州徐遵明生在衡泌弗因世族之基長於原野匪乘雕鏤之地而託心淵曠置情恬雅處靜無悶居約不憂故能垂簾自精下惟獨得鑽經緯之

微言研聖賢之妙旨莫不入其門戶踐其堂與信以稱大儒於海內擅明師於日下矣是故眇四方知音之類延首慕德跂踵依風每精廬暫闢杖策不遠千里束修受業編錄將踰萬人固已企盛於西河擬高蹤於北海慕竒好古容尊賢罷吏游梁紉而成列遵明以碩德重名首蒙禮命曳裾雅步養同置醴黃門李郁具所知明方申薦奏之恩遽全守壑之志潛居樂道遂往不歸故北王入碓之初率土風靡遵明確然守志忠潔不渝遂與太守李湛將誅叛逆時有邂逅受上凶險至誠高節湮沒無聞朝野之士相與嗟悼伏惟陛下遠應龍序俯執天哀每端聽而忘晷嘗坐思而候曉雖微功小善片言一行莫不衣裳如室玉帛在門况遵明冠蓋一時師表當世溘焉真沒旌紀寂

參述者長辭無論榮價文明人物敦厲斯世臣託迹諸生親承
顧盼惟伏膺之義感在三之重是以越分陳愚上諠幄座特乞
加以顯謚追以好爵仰中朝廷尚德之風下示學徒稽古之利
若宸監昭回曲垂矜採則荒墳千載式貢生平卒無贈

李謚涿郡人博通諸經周覽百氏初師事小學博士孔璠數年
後璠還就謚請業門生為之語曰青成藍、謝青師何嘗在明經
隋蕭詵蘭陵人尤精漢書撰漢書音義也愷東海人兄愉明五
經愷傳其業又從受史記漢書尤稱精究大業中為國子助教
于時漢書學者以蕭色二人為宗匠聚徒教授著錄者數千人
愷卒門人為起墳立碣焉

唐王義方泗州連水人博通五經為侍御史坐彈中書侍郎存
義府左遷萊州司戶亦滿家于昌樂聚徒教授母終遂不復出
仕及平門人何彥先員外郎制師服三年喪畢而去

陽城為國子司業有薛約者嘗學於城狂躁以言事得罪竄連
州客無根蒂史蹤跡求得之城家城坐吏於門與約飲食訣列
涕泣送上郊外德宗聞之以城為黨罪人出為道州刺史人學
生魯郡李賞等二百七十人詣聞乞留經數日吏遮正之疏不
得上

新刊監本冊府元龜卷第六百



